

翁東涯集目錄卷之十二

疏八

覈功實更賞格以塞邊軍弊源以開



歸路疏

預明遲誤疏

聲息重大乞 賜存留援兵疏

置造火器疏

及時修邊以防虜患疏

夷人求 貢疏



脩復邊堡以禦虜患以固疆圉疏

缺乏糧料疏

聲息疏

翁東涯集卷之十二

揭陽翁萬達仁夫

疏八

覈功實更賞格以塞邊軍弊源以開奔民

歸路疏

准巡撫宣府都御史孫錦咨稱會同總兵官署  
都督僉事趙卿議得殺降禁例未為不嚴柰何  
邊鄙官軍見利必逐惟功是貪往往混殺歸降  
情甚可惡罪不容誅言官論列該部議擬深切



時弊合無今後嚴督沿邊分守守備等官時加  
省諭守墩官軍凡遇被虜來歸精壯男子每名  
賞該墩原召軍銀三兩老幼男婦每名口賞銀  
一兩俱在賞功銀內動支聽其領回與同墩官  
軍均分若有仍前妄殺報功者事發問擬抵命  
提墩等官知情者同罪不知情亦從重問罪分  
守等官連坐等因又准巡撫大同都御史詹榮  
咨會同總兵官右都督周尚文查議得本鎮嘉  
靖四年以前投降伴送人口並無給賞嘉靖五

年以後凡遇降人一名口有馬者於馬價內給  
銀一兩無馬者動支官庫銀一兩給賞闔墩官  
軍今照優恤降人所以啓歸順之門給賞墩軍  
實欲革殺降之弊允爲盛典本鎮舊例似輕無  
以激勸其心合無今後走回降人每名口各給  
紅布一疋以示優待仍有馬者給銀五錢無馬  
者給銀一兩以爲置換巾帽髻帕之資墩軍送  
降人除伴送赴城者賞紅布一疋外每名口不  
拘有無馬疋官司給銀二兩每添一名加一兩



以次遞加一行雖十名以上不得過十兩俱本墩官軍分用如深哨家丁夜不收通事於大邊之外迎遇降人收送到官者每名口賞銀三兩亦以次遞加二兩用銀布合無俯念邊鎮缺乏別為 奏討帑銀或准將軍門各省解到贓罰發下支給等因各到 臣案查先准兵部咨為奉命專征謹謀始以圖報稱事該先任總督侍郎程鵬題欲曉諭各處守墩出哨人役及召募敢勇軍民人等有能招回叛亡及被虜人口一名

賞銀五兩二名三名以上照數遞加招至百人以上分守將官亦以金帛賞之三百人以上陞一級五百人以上鎮巡官一體給賞擬陞如有假以犯邊妄殺降人報功事發正犯抵死軍職永不叙用該本部議擬前項招降人役總督衙門徑自斟酌重輕動支官銀從宜犒賞又准本部咨該本部等衙門會題內開各邊有自虜中逃回者墩軍引報該管官轉送鎮巡官審其鄉貫來歷願歸者免其差役倍加存恤不願歸者



東華集卷十一  
收作通事給與月糧帶來馬匹衣物盡數給與  
雖有舊慝悉置勿問或有智謀過人衆所信服  
能率其黨歸順者計其衆寡以次犒賞如十人  
即與小旗百人即與百戶有能斬其酋首來獻  
者賞銀一千兩仍陞都指揮職銜以示優異每  
歲終兵部總計兵招至七百人以上叅將至四  
百人以上守備把總備禦官至三百人以上各  
議陞一級不及數者止照舊例給賞中間如有  
殺降冒功者事發問擬死罪又准本部咨爲及

時脩武攘夷安夏以光 聖治事該本部題內  
開通行各鎮申明律例嚴禁殺降戒令提墩官  
督同墩軍遇有逃回人口伴送入境每名賞銀  
二兩安插得所照例免其差役帶來馬匹衣物  
通行給領提墩官賞銀二兩墩軍賞銀五錢二  
名以上遞爲增賞等因俱題奉 欽依備咨前  
來已經通行欽遵訖近准兵部咨該山東道監  
察御史楊汝圭題內開訪得邊鎮之法有得虜  
人一首級者先以十金賞之然後問其所欲爵



者增其秩不欲則加賞四十金至得一投歸之人來則賞止五錢併獲一馬者賞銀亦不過一兩夫殺虜之厚利如彼收歸之薄賞如此邊鄙細民惟利是趨欲停罷舊法裁定新規如殺獲真正虜賊審驗相同照舊優賞無容別議至於招納歸之賞則當參酌舊例量爲增加明開條格以示勸諭該本部議擬招降之例與賞功之格大相懸絕合候 命下咨行各該總督撫鎮等官參酌舊例量爲增加明開條格用昭勸諭

具奏上 請定奪等因題奉 聖旨依擬行欽此欽遵備咨前來已經通行查議去後今准前因 臣 看得前項節行事例先後不一難以遵守各官議報輕重互異亦礙施行切照諸邊頻年招引人口率皆中國被虜奔命投歸其與遐方異類慕德畏威曲膝交臂而來者不同祇可謂之歸人非降人也然而今昔相傳遠近相習皆稱投降姑未暇正其謬特以將官中間或有貪功不仁陰縱家丁悍卒戮歸人以冒陞賞者有



家丁悍卒守墩出哨通同擅殺掎報將官而將  
官反爲之庇護者又有歸人扣邊墩軍不在或  
坐視而不肯引送歸人出不得已乘空而入經  
過地方有司盤獲因無左驗誣爲奸細而竟坐  
以斬者傷天地之和阻來歸之路虜中消息不  
聞而黨與日熾職是之由臣痛恨之經營邊務  
斯其首端使徒嚴殺降之誅而不重招來之賞  
則人知所畏而不知所利善詐者雖畏弗悛若  
趨利而復避所畏則人情皆然也御史楊汝圭

疏要更定招降賞格委非泛然其爲慮者參酌  
事體使必可行後又可繼豈可無折中之論畫  
一之規合無通行各鎮大小將領等官嚴督管  
墩守墩出哨官軍人等今後但有走回人口俱  
送巡撫衙門審果出哨大邊之外招來者係精  
壯男子一名原招人等共賞銀五兩係幼男并  
婦女賞銀三兩一行每多一名口精壯男子遞  
加銀三兩至三十兩幼男婦女加銀二兩至二  
十兩而止若止在邊墩引送者係精壯男子一



名墩軍人等共賞銀三兩係幼男并婦女賞銀一兩五錢每添一名口精壯男子遞加銀二兩至二十兩幼男婦女加銀一兩至十兩而止不論邊外邊墩但有降馬一匹本墩或出哨人等另賞銀五錢每添一馬遞加銀三錢至三兩而止銀兩領回俱闔墩同哨人等均分管墩官員賞以花紅不許侵分銀物其伴送軍人每名賞布一疋投歸人口無馬者不論男婦大小每名口各給銀五錢布一疋有馬者止布一疋以爲

易換衣巾之資騎來馬匹不拘多寡照依時估官爲貨賣或給官銀印烙發管騎操將銀并帶來衣物等件盡數給領仍審其鄉貫願歸者起關應付口糧脚力於公文內明白註寫馬匹價銀若干并衣物件數差人伴送原籍官司秤驗如無短少徑自給領仍免其差役倍加存恤縱有舊隱悉置勿問家貧無倚者務要安插得所免致轉徙流離伴送人役取有印信收管方准銷繳不願歸者收充通事食糧殺賊其合用給



賞銀兩布匹俱於賞功或養廉地租銀內動支  
官軍人等如有仍前假以犯邊為名妄殺投歸  
人口報功者依律問擬抵死奏請處決梟首  
示眾本墩及同哨人等縱不知情亦必連坐本  
管頭目守把官員俱依故縱從重問發官司敢  
有誣歸人為奸細而致死者以故殺論罪其虜  
中如有智勇過人眾所信服能率其黨歸順者  
查照兵部原議計其眾寡以次犒賞如十人即  
與小旗百人即與百戶能斬酋首來獻者賞銀

一千兩仍陞都指揮職銜以示優異每歲終各  
該官員將招過人口開報該部總計總兵招至  
七百以上叅將至四百人以上守備把總備禦  
官至三百人以上各議陞一級不及數者止照  
例給賞仍將陞賞規格及殺降禁例刊給簡明  
告示張掛曉諭永為遵守再照虜中居者半係  
漢人訪聞先年隨虜入搶山西地方中間多有  
望城堡而投歸者慮恐害已而城堡人等懼其  
譎詐又不肯招致往往含淚而去甚至如近年



虜犯紫荆過蔚州有十餘男子各可十五六歲  
投歸我軍主將投計欲聚而殺之以冒功當時  
使無叅議蘇志臯者極力救解十餘人者必不  
得活是又非惟不肯招致之而已也若於沿邊  
墩臺與腹裏城堡各置白布旗一面上書招降  
二字又恐歸人不知字意乃圖畫其形狀如脫  
去皮帽皮襖卸去弓箭之類用杆豎立於各堡  
并邊墩緊要去處在堡則推本堡伶俐一人整  
齊衣巾在墩則管墩官各將節奉題 准招降

事例川黃紙膽寫置於香卓上遇賊入境或臨  
邊行走即高聲稱說見奉 朝廷招撫你們有  
願投歸者即來旗下我們開門放你進堡及收  
引上墩騎來馬匹盡數還你且有莫大 恩恤  
決不敢將你殺害如有殺害我們都該死罪等  
語如此庶曲盡招致之方歸者不疑而虜中亦  
或解體也其該堡該墩招撫有功之人悉照前  
項格例給賞議陞 臣自抵任屢嘗以此與諸將  
約矣但未奉有 欽依如蒙乞 勅兵部再加



查議題 請備行各鎮鎮巡大小將領等官著  
實遵照施行不許視為故事及有所更張違者  
聽臣參究拏治庶法例整嚴而宿弊自可革矣  
謹題請 旨

預明遲誤疏

臣照得恭敬以事 君捷敏以共事人臣之徹  
義也而况閫外重務豈容有所忽略坐致濡稽  
臣不敏凜焉兢惕事至即疊疊措思心力必竭  
不敢玩愒日時但四鎮諸邊一切小大皆網

於臣朔州去宣府百餘里大同三百餘里  
山西五百餘里保定八百餘里差人往返動經  
旬日一遇賊入阻隔則又不可以時日計矣故  
各鎮事情凡應與臣計議約日同發抵京即有  
先後所差無何至於緊急聲息等項邊報難待  
約會撫鎮必先具本然後咨呈軍門如宣府一  
鎮去京為近而去臣為遠有 奏報已到京而  
於臣處公文尚未遞到者 必俟其到而後知  
疏成而後遣即晝夜兼馳計須踰旬而後可以



徹宸聽也蓋路程之遠近不同而必待公文遞到然後遣與不待轉遞而徑遣者又不同也設臣與彼同處安得後期遲速之間地與勢使然耳即一鎮而他鎮可知也伏望聖慈特

賜矜察宥

臣

之罪再照

臣

總督軍務兼理糧餉

機事填委簿牒糾紛黽勉支持靡遑朝夕而且往來巡歷驅馳不休近患背瘡雖幸少愈而血氣虛損時尚怔忡邊事孔棘肅給為難然至有所敷奏即旅宿野處抱病呻吟之中亦

焚香濡削翼翼敬畏如在

君父之前顧居無同僚而贊畫部官又已取回心思有限無可與商雖有吏書俱甚粗拙獨力或失點檢多事不無倉皇誠恐所陳事理紕繆難行亦惟聖德寬仁容臣改正至若文理艱澀字樣差訛者尤所難免更望矜察宥臣之罪臣不勝幸甚謹具題知

聲息重大乞

賜存留援兵疏

嘉靖二十五年六月初六日准兵部咨一件為



急處傷殘邊鎮以安全陝地方事該職方司案呈本部議擬查得宣大總督近奏兩鎮邊牆脩理完固足堪保障是延綏虜情委有可慮宣大邊防頗有可恃合無量發延綏遊兵一枝回鎮防守揆諸地方人情軍中機務似為相應合候命下移咨總督宣大侍郎翁萬達將原調延綏遊兵內摘撥一枝發回本鎮防守其餘各枝兵馬悉照原擬聽候調遣庶彼此戰守不妨而疲憊地方亦將有所恃而不恐矣等因題奉

聖旨是延綏遊兵准發回一枝本鎮防守欽此又一件為走回人口傳報夷情事該<sub>臣</sub>等題本部議擬合候 命下移咨宣大總督及宣保遼薊撫鎮諸臣并咨行團營提督大臣轉行東西兩官廳總兵官各照本部節次題覆事理原擬動調官軍駐劄地方整兵秣馬待報即行各該撫鎮務要及時料理多方為備仍多差伶俐善走之徒遠出哨探直至二三百里之外務俾賊之動靜我必先知庶得先發制人以逸待勞之



算如遇賊虜小至則本路之兵應大至則諸鎮之兵應聲勢聯絡隱有常山首尾之形虜雖桀驁腹背受敵決無善歸之理成功之日朝廷爵賞自然不吝如探報不的為謀不滅賊至通不知覺賊去全無邀擊致貽地方之患法典昭然總督撫鎮而下恐難辭其責矣等因題奉聖旨是你部裏便行與宣大總督宣保遼薊撫鎮官著多方嚴加防禦京營人馬著即時整飭待報啓行都不許誤事欽此欽遵俱備咨前來

除欽遵外案查先據鎮守大同總兵官周尚文呈為重責成廣舉用以預防虜患事內稱五月二十九日據原差探哨家丁趙小挨等報稱陽和大邊長城大墩瞭見本墩正北達賊二十三騎各牽空馬前來內有通事四名李稍兒楊通事張通事長子到墩答話稱說達子頭兒俺答把都兒官兒台吉要講和好討些段子氊衫紅氊等物若准了進貢把都兒那顏要將先年原搶漢人今做義兒柳根子并番文與小挨帶



來奏本進 貢若是不准會著要捨等語除具  
題外備呈前來除批候夷使果有真正番文到  
日另行議報及通行各將領比常加謹隄備并  
將原調到客兵五枝內遼東一枝駐防宣府仍  
擬將延綏一枝移彼同駐策應一枝駐大同其  
寧固二枝分駐大同山西適中之地以爲聲援  
外今准前因臣欲遵奉 欽依就將延綏遊兵  
內摘一枝發回彼鎮防守聞本日辰時得大同  
巡撫都御史詹榮貽書稱據趙小挨等稟稱威

寧海子披戴明盔甲賊約有五六萬尚憤鳳凰  
山之敗欲報茲役彼中自相釋解又要請和求  
貢等又據立功贖罪原任總兵官白爵差遞公  
文夜不收王章及軍門聽用舍人劉棟各稟稱  
六月初一日在北路馬營城見有虜中走回不  
知名男子三人說稱本路邊外北海子大營達  
子在彼住牧聽得先將朶顏達子捨了害怕要  
引大營達子前住大東南上搶掠如今馬弱還  
跑不得再等些時纔去見今有兩箇小頭兒拘



在大營要領著看路等語各到臣參詳所報雖  
出傳聞然宣府邊外大虜連營脅誘花當假道  
東向前後報者大略不殊大同邊外虜結精兵  
五六萬人遣使求貢意若有所挾者詭詐桀  
悍委又難知蓋皆與尋常警報不同即日臣始  
聞之尚欲增益師徒張皇聲勢況已調到者遽  
爾撤回虜或偵聞謂我弛備將益無憚心矣兵  
部撤回延綏遊兵一枝之議在於未有前報之  
先設已聞此慮當同臣必不議撤榆林去秋被

虜殘破上厯聖衷均一重邊固有異視撤回  
兵馬欲以為防在臣亦豈敢忘體國之心自  
分彼此顧惟彼中近年新添遊兵二枝正以舊  
遊兵二枝例該東援耳宣大密邇京畿屏蔽  
陵寢關係重大視之榆塞似為有間故彼處鎮  
巡未聞疏請免調而前者臣奏徵發茲復  
懇乞存留亦惟是耳且宣大山西環數千里之  
地悉眾擺邊州縣衛所城池及內地要害去處  
不留兵馬勢不能也虜聚而眾我散而寡萬一



彼善爲謀分兵撓我一處不支潰垣突入易騎而馳搏影而至則擺列之兵徒尾其後前無抵拒事實可虞故論者往往比之孤注而竟未敢議罷者此亦有故臣於去歲防秋疏中已略言之矣我無必戰之兵必勝之將設不擺守賊於秋高馬肥決然狂逞我徒有縱虎之患而未必收舉旗之功若照舊擺守有牆足恃尚可苟安尤全藉客兵分布內地據要害以待之即使潰防猶賴有此今延綏二枝議撤其一恐損先聲

或廢他處況有前項警報隱憂方殷臣是以不得已於有言也如蒙 聖明軫念宣大爲 京師北門重地日下聲息亟當慎防仍將延綏遊兵一枝存留策應地方幸甚臣愚幸甚除將延綏暫管遊擊事指揮賀桂所統人馬一枝暫發隨臣巡歷山西偏老邊關西至黃河東岸與延綏接境地方住劄聽候 明命以爲去留伏乞勅下該部作速查議上請 聖裁俯從臣言或別 賜處分令臣遵照施行謹題請 旨



置造火器疏

據委官守備指揮袁正報効百戶伯永福呈稱先蒙軍門發到鉛鐵遵照指示諸種火器式樣督同火器匠張元福等陸續造完百出先鋒筒子一百五十三杆小砲一千三百箇鉛彈子一萬箇三出連珠砲一百五杆鐵棒雷飛母砲四百杆子砲三千九百九十六箇火獸布地雷砲一千七百箇計四十架每架六桶或二箱每桶砲七箇每箱砲十六箇計可勾軍門標下及客

兵人馬應用近蒙軍門分付宣大三關俱要量發計數頗多即今缺少鉛鐵及合用硝黃欲行朔州買辦查無相應錢糧必須奏討帑銀二萬兩庶克有濟又據宣大山西總副叅遊守備等官周尚文趙卿等各呈稱原發百出先鋒砲屢經試驗比之佛朗機神機槍等器委的輕便利用寔中國第一長技相應多造每伍各一杆每營各發六百杆堪以縱橫破敵若火獸布地雷砲尤便夜攻與三出連珠鐵棒雷飛砲亦



應量造但合用鉛鐵等項見無堪動銀兩乞為  
措給各緣由到臣案查嘉靖二十四年九月內  
准兵工二部各咨為遵例効命密陳備虜兵策  
乞 恩採擇添造得法火器勝敵戰陣奮力獲  
功以勵後効事送發聽選官張瑀并造完三崇  
砲十杆月牙鏟十杆倒鈎槍十杆灰筒五箇火  
筒四箇破羶筒五箇假獅六箇假虎二箇及隨  
用旗杆旗架大小木砲等項前來咨稱聽臣照  
數收發試驗如不可用徑自逐去等因准此

屢督率張瑀及中軍等官親詣朔州教場將前  
火器逐一試驗得三股倒鈎槍係軍中常用器  
具而月牙鏟殊不便於禦敵三崇砲則又甚拙  
發之不能二十步非惟不可禦敵且反自傷假  
虎假獅粗重而費多難辦蒙之馬首一步不行  
即易其法輕之使行亦萬萬不能制虜馬也除  
已將前器收貯改造及將張瑀發回原籍訖臣  
愚昔官粵中每因用兵參考古火器而病其制  
之多已不傳即有傳者又病其重難不易用也



於是殫竭愚慮因舊創新粗備而未試比來宣  
大仍加參考見今造成有所謂三出連珠砲百  
出先鋒砲鐵棒雷飛砲火獸布地雷砲之四種  
者連珠砲蓋古制也古砲之制無弗善而有宜  
與不宜稽之古礮者機石也用機運石而飛之  
致遠爾後以火藥實銅鐵中亦謂之礮至如神  
機火鎗用鐵爲矢鏃火以發之可飛百步之外  
皆制之巧者然皆一發而止倉卒無以繼之敵  
知其故或出於巧智以爲避就者未必無也神

機則又苦著矢之難稍不如法則不能及遠卒  
不練習用之惟艱連珠砲其制如神機式其長  
倍之每杆三分之以次實藥發亦如之一具而  
三出有連續之妙虜或避而就之適當後發之  
衝人可持放不甚苦其難此古制之尤巧而宜  
於用者邊人不能知乃考而作之與神機諸砲  
並焉先鋒砲倣佛朗機砲而損益之者也火器  
莫利於佛朗機大率筒長三尺有奇而小砲則  
止於伍夫筒之長以局其氣使發之迅也小砲



伍以錯其用使迭而居也先鋒之制則損其筒十分之六狀若神機而加小砲以至於十曰氣可局而用不使有餘也砲可錯而用不使不足也用則繫火繩於筒外而納火砲於筒內畢即傾出之連發連納十砲盡則更爲之循環無間斷也筒仍酌其處鑿通一機轉動消息倒擊不流傾卸不礙末有銳鋒如戈形無耳長六寸以代鐵槍之用遠擊近刺其用博矣夫佛朗機之爲器也昇之者四人臨發持者一人放者一人

是六人發伍砲也況火露筒外出熾人手安砲或離于度則暴裂反傷非善用者臨時驚懼心志不定高下無準先鋒砲持放者一人不必布機於地即馬上亦宜之是一人發十砲也況火納筒中即不必善用者心志不懼高下可準矣假如三千營中每伍內一人執一筒十砲百彈子則一伍當有十佛朗機且兼十槍矣十五人執十筒百砲千彈子則一隊當有百佛朗機且兼十槍矣六十隊六百入執六百筒六千砲



東漢集卷十一  
六萬彈子則一營當有六千佛朗機且兼六百  
槍矣蓋一人所執不啻往時十餘人所執者斯  
不亦簡而使邪雷飛砲倣毒火飛砲而少爲之  
變者也砲之先鍛鐵爲筒磨石爲子已矣一變  
而爲毒火飛砲鎔鐵爲子虛其中而實之藥擊  
處皆傷蓋傳自前代而兵家頗秘之然毋砲重  
大難於舉移故以之擊大營守城垣可也賊散  
而來迎而拒之且馳且戰則非所及矣於是再  
變之約其子砲而輕其毋砲約之使易飛輕之

使易持也毋砲則約長尺許上廣下窄下如神  
機之狀上盤菱花之形其法雖略本飛砲而輕  
重別矣敵遠則用之以衝擊或至空而震或至  
地而震或中人馬而震鐵物之所旁擊無不糜  
爛者敵近則揮之爲鐵林連鎧甲而搥撻之當  
無不退怯者人持一具可以攻可以守與毒火  
飛砲功同而用異蓋守之砲貴重大戰之砲貴  
輕小守則不離次而易施重大得力也戰則屢  
易次而難施輕小得力也布地雷砲倣田單火



牛之意而增之以砲火者也田單以火牛取勝然止束刃牛角今虜黠猾善避營踈野濶不可以觸傷惟得火砲布擊之斯使之震懾若乘夜用之爲尤得策因其亂而砍其營茂不勝矣而用必馬羸以其性奔捷可以代牛火砲之發迅烈比于刃遠矣是故剝木爲桶闢之翕之長一尺有五寸圍四寸火砲擊焉火線通焉略如毒火飛砲法然其繫之也有機其通之也有候匪機則無脫落之功匪候則無疾徐之節臣其機

則欲連而易斷也臣其候則欲準而不愆也桶一而繫砲七獸一而負桶六計一獸之所負則火砲四十有奇十獸之所負則火砲四百有奇若用匾箱以代桶尤便雷布而電發湏臾之頃遍於原野必有以奪敵之氣或謂馬羸之性驚則橫逸不能使之直衝故用砲易而用獸難臣惟水可過顙在山搏擊之勢使然爾而況馬羸之有知覺運動者或機而制之或因地勢而驅之或遣間而引之或得賊馬而縱之臨時之宜



存乎其人則亦無不可用也以上四者俱當預備而百出先鋒砲則尤火器之最便利者古制未嘗有也自古謀臣智士較論中國夷狄之長技如晁錯所稱匈奴惟善馳射固未聞其有中國之堅甲利刃者也乃今北虜則甲刃精好中國弗能當矣數年之前我軍與虜鬪兵刃既接輒以骨朶狼牙棒槌撻虜虜刃短不相及間爲中國所制乃去年虜犯陝西之保安亦用狼牙骨朶而中國或弗能當矣若神機槍佛朗機銃

毒火飛砲等項火器則夷狄所絕無亦其所駭懾者今日中國之長技獨擅此耳邊人苦其難而未能盡其用臣是以欲教之以輕便如先鋒砲者委不可缺其餘則量爲置造可也除將前造成每樣各一件咨送兵部試驗外所據各官呈稱缺少鉛鐵硝黃置造分發委屬相應但查各鎮雖有發到京運銀兩俱係召買糧草關支之數裒多益寡尚不敷用別無堪動錢糧難以區處如蒙乞勅兵部再加詳議及試驗前



砲如果可用速爲上 請轉行工部從宜給發  
本折色鉛鐵硝黃差官運送前來聽<sub>臣</sub>督令造  
作分發各鎮撫鎮官轉發諸路正奇遊援等營  
及各城堡邊墩各如法用使及或於在京團營  
亦行多造百出先鋒砲及量造連珠雷飛等砲  
以時教習固亦可以備緩急也謹題請 旨  
及時脩邊以防虜患疏

據山西布政司分守口北道右叅議蘇志臯呈  
稱親詣西陽河洗馬林張家口堡等處督令通

判馬昂等并見任叅將等官劉振等各將原議  
應修過工程三處邊牆共長一萬一千七百四  
十丈裏口攔馬牆長四千六百七十五丈敵臺  
十座墩臺五座斬崖二十二里零一十九步馬  
路二十五道低矮不堪加厚墩臺一座斬削坡  
崖三十五里其脩工採木軍夫架梁防護兵馬  
用過京運銀兩并借支過各城堡土客兵糧料  
草折銀共該一十一萬二千一百六十四兩六  
分五釐及各開稱修過工程高廣深濶俱各不



失原議丈尺堅厚亦皆如法各將管工大小文武官員名氏分修丈尺數目刻石備考及弔查各官收放錢糧並無侵漁冒破并用力効勞官員等第姓名錢糧總撒數目通行造冊呈繳到臣案查先節准兵部咨該臣及宣府撫鎮等官

都御史孫錦等題前事該本部議擬合候命下移咨翁萬達會同撫臣督同鎮守守巡參遊守備等官同心協謀及時舉事共濟時艱分工勒限期完報暫輟一切政務專責總兵守

巡親住工所往來巡視提調各官鼓舞軍夫仍將各督理并管工大小官員分到地方丈尺并官銜名氏刻之于石以便查考三年之內如有坍塌損壞責令陪補仍從重提問雖陞遷去任不免工完之日聽巡按御史閱視從實查報如有虛費冒破等弊查叅治罪有功效勞人員一併議擬陞賞庶財力不致妄費垣墉可保堅義而防邊禦虜有所憑藉等因題奉欽依備咨前來已經通行巡撫都御史孫錦鎮



東漢集卷之三  
守總兵官趙卿守巡口北道叅議蘇志臯僉事  
程綬及原任叅將今革任祁勛等公同各該委  
官馬昂等調集軍夫興工脩築及撥兵防護去  
後今據前因除該道冊內開列分委管工領兵  
防護官旗胡林徐京李巖等共五百二十七員  
名各効有微勞候再覈實臣等量加犒賞其修  
過工程丈尺用過銀兩數目該巡按御史閱視  
查覈徑自造冊 奏繳外看得宣府前項修完  
邊牆墩臺雖與大同築脩邊牆墩堡工程里數

多寡不同然有事於茲役者相觀努力勤  
勞不可泯沒其巡按直隸監察御史黃如桂督  
察考成之功已於大同工完疏內開列相應併  
錄為照鎮守宣府總兵官署都督僉事趙卿果  
於任事勤以率人乘時而慎固邊防力疾而驅  
馳工所巡撫宣府右僉都御史孫錦以思患預  
防之心為一勞永逸之計布經略而人樂趨事  
嚴程督而費出有經此其所宜首論者山西布  
按二司守巡口北道右叅議蘇志臯僉事程綬



會計錢糧而區畫有緒調度夫役而艱苦弗辭  
分守南路叅將劉振東路通判馬昂西路魏河  
革任叅將宋贊祁勛夏杲康玉或綜理工程領  
兵防護或專管糧餉設法收支此其所宜次論  
者又其次如西陽河守備李爵柴溝堡守備黃  
添祥東城守備桂元勳蔚州城守備周世官廣  
昌城守備孫時謙萬全右衛城守備李世賢張  
家口守備王臣李信屯操守金輔保安右衛掌  
印指揮李倫萬全右衛掌印指揮劉淵萬全左

衛掌印指揮白金懷安衛掌印指揮李杰深井  
堡操守趙世卿洗馬林委守王尚忠萬全都司  
空閒都指揮張嵩保安衛掌印指揮傅昇懷來  
衛掌印指揮劉昇隆慶右衛掌印指揮彭壽永  
寧衛掌印指揮周策隆慶左衛掌印指揮任玳  
通判郭璉宋朝經歷趙烈杜巍張友琦趙金于  
待化千戶朱廣王鎮何珍王相景棠袁良濮經  
盛堂葉然劉奉尹宣賓堂崔堂百戶劉章張洪  
分工督役隨委效能此亦不可不查論者也如



蒙乞 勅該部查議上 請量加甄錄以勵人  
心再照參將祁勛先因被劾革任該臣題為查  
處承委管工官員事該兵部議令本官將修繕  
工程軍夫人役悉心料理事完之日如果功績  
有成另行具 奏錄用等因備咨行臣已經責  
令遵依委能策勵効有前項勞蹟似應別議施  
行謹題請 旨

夷人求 貢疏

嘉靖二十五年六月二十一日據巡撫大同都

御史詹榮差百戶袁章齎送總兵官周尚文原  
差家丁通事趙小挨等收接虜酋俺荅阿不孩  
有紅印番文一紙到臣案查先准兵部咨該臣  
并大同撫按等官題為虜中走回人口事本部  
議看得四夷來王自古帝王之盛事北虜入  
貢亦我 先朝之故典但此虜自弘治十年以  
後不通 貢者迄今四十餘年自火篩入寇以  
來謀大舉者又不下數十餘次桀驁之氣方橫  
姦詐之弊叵測合候 命下移咨總督侍郎翁



萬達巡撫都御史詹榮會行總兵副叅遊守等官各整擗兵馬遠爲哨探比常十分加謹隄備如果驗有真正番文方物保無反心會議停當另行奏請定奪等因題奉欽依備咨前來已經通行遵依訖節據走回人口楊小子等傳說在虜中時聽得俺荅阿不孩曉得打卦看數因見把都台吉青台吉滿官填等龍年搶廣昌蛇年搶陽和都不甚利向說教你龍蛇年不要搶你們不聽今纔後悔你們要搶馬羊年分是

我們旺相時候去搶恰好又節據趙小挨等傳報俺荅阿不孩不次遣使來稱馬羊之年乃彼進貢之時又稱俺荅與把都台吉各有虜來遼東達子十人約會引路要搶把都台吉赴小王子處會事俺荅稱說貢事若遲恐把都出其東古囊出其西又據總兵官周尚文稟稱六月十八日午時到鎮川堡有原差在墩家丁楊伏祿說稱俺荅已到海後住牧著達子一十一人來尋趙小挨等復又回去再到五日方來進邊



等因到臣照得夷人所稱龍蛇馬羊年分即辰巳午未年也所稱出其西指陝西也出其東指遼東及附近順天等處也言雖傳聞實不可不預爲之防也臣已將主客兵馬隨宜分布宣大三關比常加謹防禦外今得前項番文兼傳俺荅欲自到邊陳款臣又行總兵周尚文勒兵在境俟彼倘果自來當必有以應之臣仍差中軍遊擊麻宗等前去協謀偵察譯審及行撫鎮等官悉心計議回報欲待至日叅詳具

奏不無稽遲但前項番文字樣邊人多不識中間情偽難以盡知必須行令四夷館譯字字速爲辨認詞意如果卑順似當亟爲處分不容少緩蓋北虜種類繁多兇焰日熾秋期已屆戍馬肥正彼狂逞無忌憚之日也乃遣使求通雖曾被殺猶屢請不已或謂其性貪利入寇則利在部落獲貢則利歸酋長即其所請之急如此者意在利吾賞賜耳使處之當而不拂其情虜衆雖狂或可撫定不爲之處則且



夕之變不無可虞處之稍遲則機會毫髮之間  
恐又難待萬一詞有不遜亦當姑示羈縻以觀  
其動行吾機權不宜遽爾峻拒以速其逞也如  
蒙乞 勅該部作急議擬上 請定奪備行 臣  
等叅互酌處具 奏施行至謂保無反心則變  
詐無常犬羊恒性實非 臣愚所能逆觀 臣謬與  
封疆所知者惟戰與守而已貢亦備不貢亦備  
時時戒嚴俾無可乘之隙乃其分也若遠鎮諸  
邊雖非 臣屬但據謀者所云尤係北虜素所窺

伺亦乞 勅下該部速行彼處撫鎮多方刺探  
桑顏三衛夷族有無見在俺荅諸酋營中東犯  
之言果否足據星火馳 奏預為準備地方幸  
甚謹題請 旨

脩復邊堡以禦虜患以固疆圉疏

准巡撫宣府都御史孫錦咨據山西布按二司  
守巡口北道右叅議蘇志舉僉事程綬會呈行  
據北路管龍門等倉場通判趙佐呈稱依蒙親  
詣本路馬營堡迤北將分守左叅將董麒并委



官都指揮王祿通判鄒馳公同監督脩完松樹君子二堡逐一閱視得創修松樹堡周圍三百三十二丈根濶平高各一丈八尺收頂一丈并敵臺七座各上加女牆高五尺梁口風門一百七十六處四角樓鋪各一間敵臺樓鋪七間瓮圈周圍二十丈八尺高連梁口一丈八尺堡門一座內外二層俱用軌券門扇鐵裹內門樓鋪三間外門樓鋪一間堡內蓋造公署一處大門并前後廳房各三間左右廂房共四間廁房一

間照壁一座把總公廨一所大門一間前後廳房各三間左右廂房共四間官軍營房五百四十一間真武祠三間城隍祠一座倉一處周圍四十一丈門房一間廩房五間倉神祠一間草場一處周圍四十丈門房一間鑿造碾一盤大小磨三盤穿井二眼堡外壕深一丈五尺口濶一丈八尺底濶一丈二尺操軍教場一處演武廳房三間抱厦一座旗臺一座選撥把總指揮一員孫鏜管貼隊千百戶常甫等二十員軍人張玘



等五百名創修君子堡周圍三百三十二丈根  
潤平高各一丈八尺收頂一丈并敵臺七座各  
上加女牆高五尺堦口風門一百三處四角樓  
鋪各一間敵臺樓鋪七間瓮圈周圍二十丈八  
尺高連堦口一丈八尺堡門一座內外二層俱  
用甄券門扇鐵裹內門樓鋪三間外門樓鋪一  
間堡內蓋造公署一處大門并前後廳房各三  
間左右廂房共四間廁房一間照壁一座把總  
公廨一所大門一間前後廳房各三間左右廂

房共四間官軍營房五百四十間真武祠三間  
城隍神祠一座倉一處周圍四十丈門房一間  
廩房五間倉神祠一間草場一處周圍四十丈  
門房一間鑿造碾一盤大小磨三盤穿井三眼  
堡外壕深一丈五尺口潤一丈八尺底潤一丈  
二尺操軍教場一處演武廳房三間抱厦一座  
旗臺一座選撥把總千戶一員嚴範管貼隊千  
百戶武爵等二十員軍人胡原等五百名各安  
插防守保障二堡自本年三月二十六日起工



至五月十七日落成俱各脩築堅固合式堪以  
經久保障及查原發銀四十兩預買市斗米二  
千八百三十三石三斗三升五合湊用過獨石  
倉原備修邊市斗米三百八十四石六斗二升  
二項共米三千二百一十七石九斗五升五合  
內給管工并築堡軍夫匠作共二千七百七十  
一員名各支口糧不等共用過米二千四百五  
十四石八斗四升雇覓各色民匠工作共二百  
六十名各支不等并工價等項共用米七百六

十三石一斗一升五合查照原行隨宜採打造  
用過標椽枋板等木共七萬一千五百七十七  
根片笆條五萬七千一百二十捆石條一百五  
十丈石碑二座堡牆飛簷石板一千三百一十  
丈柱砥石一百五十箇石灰一百八十石各樣  
甄瓦共一百四十一萬一千三百六十箇片以  
上官米用盡工程不能就緒節蒙巡撫衙門措  
處過鑄造門鎖四副用生鐵七百九十斤裹門  
釘葉等項共用熟鐵八千五百斤板桶瓦四萬



東洲集卷十三  
三千七百六十斤并買泥甓等布通共用銀二百六十四兩五錢五分二釐不係動支官錢其各項支用錢糧並無侵冒等弊查出二堡拋荒地共二千五百四十八頃一十畝除復馬營堡舍餘趙彬等陪糧地一百五十五頃外分撥官軍養贍并菜圃把總官二員每員三頃一十畝管貼隊官四十員每員一頃二畝軍士一千名每名五十一畝尚餘八百三十六頃一十畝召人佃種待成熟照例起科納糧山坡地約有一

千餘頃立作牧馬草場永爲遵守緣由通將脩過工程并用過錢糧物料備細數目及督工効勞大小官員職名開報到道轉呈到職會同鎮守總兵官署都督僉事趙卿議得宣府北路自來挺出一隅而獨石馬營尤爲孤懸絕塞一膜之外左右皆虜地也相沿據險爲邊原未脩牆置守雖有墩臺星散止是接傳烽火不能遏截狂奔以致虜賊竊伏山林時常出沒舊雖設有松君二堡節因虜患尋亦廢弃耕作不便田畝



東漢集卷三十一  
三百二十一  
盡荒行旅未通道路或梗是以居民趙彬等連  
名具告總督撫按節行查勘委有益於邊防故  
連疏奏請亟圖修舉荷蒙

皇上軫念邊方不惜繁費爰舉斯役責成邊臣  
兩月經理二堡落成各雖因舊工實創為職親  
歷閱視城垣堅固屋宇整齊四郊沃土一望無  
涯所役僅本路之軍夫而勞擾不及於槩鎮所  
費止原發之銀兩而區處不損乎公儲創建崇  
坊居人稱便收復故地士卒騰歡允為絕塞之

屏藩足堪一路之保障除將管工効勞指揮千  
百戶等官周源等四十一員各職量行獎犒不  
敢煩瀆外切照總兵官趙卿督理工程不辭  
暑雨分兵戍守得禦防之機撥地給軍寓鼓舞  
之術巡按御史黃如桂風紀振肅官軍効奔走  
之勤稽察嚴明錢糧無濫冒之弊二堡賴以告  
成絕塞因而鞏固此其所當首論者也次則守  
巡口北道右叅議蘇志臯僉事程綬因地峻防  
慎固極邊之衝要度工計費充拓既廢之疆場



又次則分守北路左叅將董麒都指揮王祿馬  
營等堡通判鄒馳驅馳艱險足慰羣情綜理工  
程不遺餘力又再次如龍門通判趙佐指揮徐  
麟或稽查錢糧明當或丈量田地周詳皆有勞  
於斯役者也煩爲轉 奏量加賞賚及將倉場  
錢糧查照本路清泉等堡事例責之各堡把總  
官專司收放俱聽該路通判提調不必更設官  
攢則地方不擾事體相安等因備咨到 臣案查  
先准兵部咨爲先時修武以靖邊境事備咨前

來已經通行速將松君二堡及時修築完報上  
後今准前因爲照宣府北路獨石馬營最爲懸  
遠馬營壤地尤爲漫延不有松君二堡則虜騎  
常侵我兵難合疆圉無守望之助地方有旦夕  
之危甚非所以控要而設防也二堡旣已恢復  
其勢與獨石馬營相爲掎角自足以抗胡虜之  
狂奔厝居人於寧靖如巡撫都御史孫錦所叙  
列趙卿等之功勞誠亦不虛美者也而孫錦之  
志存經 國慮拓籌邊授畫而獨任其難考成



而咸賴厥庇其為勞蹟尤為首稱但本鎮近日  
 脩完西路邊牆若趙卿蘇志臯等已該臣查錄  
 具題均當受賞脩牆復堡雖係兩事實出  
 一時應否併甄未敢輒擬至如董麒王祿鄒馳  
 趙佐徐麟之五臣者不預脩牆獨勞茲役似宜  
 查照孫錦所請量加恩賚或行臣賞勞用  
 勸將來其倉場錢糧止令守堡把總及該路通  
 判收放提調不必另設官攢致多冗費如蒙伏  
 望

皇上勅下該部查議施行謹題請 旨

缺乏糧料疏

准巡撫大同都御史詹榮咨據山西布政司分  
 守冀北道右叅議李磐呈稱會同分巡道僉事  
 江南總理糧儲戶部郎中張且查得先為及時  
 脩武攘夷安夏以光 聖治事據大同府知府  
 陳耀呈繳脩邊放過錢糧文冊前來內開節省  
 餘剩見在正銀并糧料草束折銀共九萬三千  
 七百三十二兩五錢八分八釐二毫見在正銀



六萬六千九百二十四兩三錢七分五釐三毫  
內都司庫收貯太倉銀二千六百四十六兩九  
分三釐大同府銀億庫收貯馬價銀六萬一千  
三百七兩四錢陽和衛庫收貯馬價銀二千九  
百七十兩八錢八分二釐三毫本色折銀二萬  
六千八百八兩二錢一分二釐九毫內陽和廣  
積倉積貯召買米八千一百八十八石四斗三  
升五合七勺該銀一萬四千三百六十五兩六  
錢九分四釐本倉積貯召買料豆三百二十九

石一斗二升該銀四百三十兩二錢二分三釐  
蔚州糴買米二百九十七石三斗八升八合該  
銀四百九十五兩六錢三分天城廣聚倉積貯  
扣准車價餘米二千八百三十五石五斗七升  
七合六勺三抄該銀四千五十兩九錢一分九  
毫陽和場積貯召買草一十二萬九千一十九  
束該銀七千九十六兩四分五釐天城場積貯  
召買草六千七百二十二束該銀三百六十九  
兩七錢一分合行本府銀億庫將收貯脩邊馬



東海集卷之十一  
三十九  
價銀六萬一千三百七兩四錢內支五萬二千一百六十三兩五錢三分七釐四毫四絲一忽抵還原借賞功未補銀兩之數餘銀九千一百四十三兩八錢六分二釐五毫五絲九忽并都司庫收貯脩邊太倉銀二千六百四十六兩九分三釐陽和衛庫收貯脩邊馬價銀二千九百七十七兩八錢八分二釐三毫共銀一萬四千七百六十一兩八錢三分七釐八毫五絲九忽并積貯糧料草束聽候防秋兵馬支用等因備呈到

道轉呈到職卷查先准總督軍務兼理糧餉侍郎翁萬達咨稱查得先年借過賞功銀共五萬二千一百六十三兩五錢三分有零內一次一萬兩係前總督尚書翟鵬批允借用又一次六千兩係都御史詹榮批令借用又一次三萬六千一百六十三兩五錢三分有零係管糧郎中郭朝賓徑自動支不知曾否奉有軍門明示誠恐錢糧將來頭緒愈多不便清查煩行備查明白照數抵補如無堪補銀兩亦煩徑咨戶部開



銷或具 奏補還施行准此查得嘉靖二十三年八月內該分巡冀北道呈稱該路客兵近比原議增添錢糧委的數少該職批行朔州於支剩賞功銀內動支六千兩添買糧草仍行管糧前任郭郎中查將銀億庫原收主事張梯解到京運賞功銀三萬五千一十七兩五錢一分四釐六絲四忽及還官抵補賞功銀一千一百四十六兩二分三釐三毫七絲七忽共銀三萬六千一百六十三兩五錢三分七釐四毫四絲一

忽借湊給與委官經歷金勝李昇共一萬兩通判李智經歷尚孔文共二萬四千兩各買糧料并折支訖尚剩銀二千一百六十三兩五錢三分七釐四毫四絲一忽續該高山堡倉申稱糧料缺乏蒙總督程鵬批將前剩銀兩并動支朔州庫貯賞功銀一萬兩俱給商人張虛等領買米豆運送該倉支放擺邊官軍訖職惟嘉靖二十三年借過銀兩係軍門原發賞功之數既濟本鎮一時之急必須速議補還但客兵銀兩僅



能支持目前原無贏羨可以抵備恐逾遲滯合將前項脩邊餘剩銀內動支五萬二千一百六十三兩五錢三分七釐四毫四絲一忽補還原借賞功未補之數各倉場積貯本色米豆草束准作今年防秋兵馬不敷支用仍有銀一萬四千七百六十兩八錢三分七釐八毫五絲九忽近該總兵官周尚文會議要將陽和靖虜堡起由鎮邊等五堡左右威平井朔一帶三邊幫加高厚其做工擺邊官軍已支本等行糧議給鹽

菜就於前項銀內動支亦爲便益煩爲俯賜具奏施行等因到臣該臣咨行都御史詹榮再查應該幫脩邊牆丈尺起止工程日期估計合用鹽菜銀若干儘其一萬四千七百六十兩餘有無足勾明白咨報去後續准詹榮咨據叅議李磐呈稱查勘得自靖虜堡起至山西丫角山止共墩臺四百一十一座沿長五百餘里算該九萬丈幫修底加三尺頂加三尺裏外女牆四尺擺邊修牆官軍三萬二千二百二十六員名每



人一日分工三寸該做九百六十六丈七尺八寸共做九十三日每軍每日該鹽菜銀一分共該銀二萬九千九百七十兩一錢八分前項銀兩大約止勾四十六日支用尚餘四十七日無銀補給姑候臨時再行議處緣由到職看得前項工程非止披塌補修比因脩築低薄與陽和迤東新脩牆壕不同今議幫築日逐鹽菜委當支給合儘見在銀兩放支鼓舞之下人必樂從工程不待期滿而先告完或未可知儻前銀支

盡工仍未完臨期再為議處等因准此臣看得該鎮邊牆自陽和迤西靖虜堡起至山西一角山止沿長五百餘里雖經先年陸續脩完比之今年新修陽和迤東一帶高低厚薄委有不同況入夏以來雨水衝淋尤多崩塌幫築補修工程必不容已官兵不妨防秋令操版築就支本等行糧止給鹽菜為費甚省據所估計每日每名該銀一分共該銀二萬九千九百七十兩有零數亦不多但役使人力全在鼓舞若儘將前



東漢集卷之三十一  
三百三十一  
項銀一萬四千七百六十兩有奇及時均給日  
勤程督務俾事速工倍或亦足用不必拘定一  
日一分之數亦不必臨期議添庶見邊臣搏節  
財用之意即今人已赴工撫鎮諸臣已將鹽菜  
折銀量爲給賞并將前銀所買在倉糧米准作  
今年防秋擺邊官軍應支行糧揆之事體俱屬  
相應無容別議其稱要將前銀五萬二千一百  
六十三兩有奇補還先年節次借過賞功銀兩  
亦當如擬但大同地方逼臨虜巢川原平行最

稱

稱此之他鎮尤爲緊要今雖以

防秋之卒刻期幫修人力有限計終不能如陽  
和天城新修邊牆之高厚堅固也若使高厚堅  
固一如新牆則山西丫角東南如寧武鴈門平  
刑關等處賴此以爲外藩擺守之兵自宜掣罷  
顧以財用不繼衆志未同欲便舉行輒爾中輟  
近得巡撫山西都御史楊守謙議開山西自黃  
河東岸老牛灣至丫角山邊牆東接大同井坪  
平虜左右衛弘賜等五堡周總兵所築邊牆直



東漢書卷之三十一  
三百五  
至陽和迤東軍門近所修完者二鎮僅七百餘里又自丫角山東南至平刑關獨山西尚八百餘里山西守邊官軍民壯屯夫計六萬六千餘人除丫角以西守邊外東南八百餘里間止五萬二三千人守之每里六十五人半登牆而守半在內候援虜之入常二三萬衆拆牆登山止湏十丈恐非此十餘人所能禦者若山西將丫角東南八百里不必守移兵與大同共守七百餘里所省過半以山西今議兵六萬七千合大

同兵七萬五千并調到客兵計十五萬四五千除丫角西牆既已高厚其地又不通大舉可用兵萬五千人陽和東牆再用兵二萬人中止四五百里已有丈餘牆而以十二萬人守之以四萬人防護八萬人即舊牆增築之高二丈底濶一丈七八尺收頂一丈二三尺里爲二敵臺臺高三丈八萬人日築六里月可一百八十里八十日而訖工且守且築此邊旣成每歲防秋用八萬人山西三萬大同五萬其內再用二鎮援



兵三萬人軍門居中調度守謙與總兵并大同  
撫鎮各分百餘里亦居中調度左右止六七十  
里叅遊守備止分二十餘里一有緩急援兵可  
以立至事可萬全凡山西之民壯諸鎮之客兵  
皆可漸掣邊內多築堡寨脩廬舍給牛種募民  
徙耕之凡 內帑之轉輸民間之供億又皆可  
漸省等因大意蓋欲撤寧鴈諸關之戍兵而併  
力於大同不分彼此而彼此相資也不勞大費  
而所備者實所守者要也是其志甚公其慮甚

詳而其謀甚忠懇也 臣愚夙有此心格於寡助  
驟聞斯語意輒躍然願相從事今秋時已逼迫  
未敢遽陳少待冬春當會楊守謙及詹榮等將  
大同靖虜至丫角邊牆及兩鎮合修守備宜從  
長計議期於一舉永持至安前項餘剩銀兩合  
無存留以爲他日舉事之資其借過賞功之數  
戶部查明開銷惟復仍照詹榮前議照數補還  
賞功伏乞 勅下該部查議上 請宥 施行  
謹題請 旨



聲息疏

嘉靖二十五年七月十五日准巡撫宣府都御史孫錦揭帖前事內開七月十二日酉時據分守北路左叅將董麒差夜不收殷海同宣府遊擊將軍呂陽差夜不收羅銳各口報本月十一日午時聽聞龍門所盤道口南空砲響各官統兵到邊截殺天晚賊退慮恐復寇各官將兵馬分布通賊道路設伏次日卯時前賊上邊對敵十四日辰時又據董麒等差夜不收王昇楊雄

各報十二日追賊至磨石口斬獲首級奪獲達馬牛羊不知數日本日未時又據董麒差夜不收趙孜口報董麒呂陽十二日追賊對敵官軍斬獲首級約有三十餘顆得獲達馬五十餘匹時值大雨達賊占據山梁將呂陽射傷損折軍人未知的數通據得此係干邊情除行分巡道查實另行合先報知等因及據鎮守總兵官趙卿差百戶申文賓口報相同本月十六日又節據旗牌官王浩稟稱本月初十日前到鵬鶚堡



金東漢集卷十一  
四十七頁  
監同遼東遊擊郭都客兵人馬隨即分投傳與  
東北二路嚴謹烽堠差人遠哨有警星飛傳報  
至十三日午時有董麒差夜不收王玉走報人  
馬在大邊外與賊對敵浩同郭都人馬即時馳  
驟至椽田堡北四十里迎遇董麒差夜不收李  
通報稱賊退兵馬回城就止郭都人馬回還浩  
恐不實仍督兵馬到於龍門所有董麒說稱十  
二日卯時大邊外與賊對敵共得賊級三十餘  
顆并賊馬牛羊其陣傷等項官軍未知的數等

因各到臣臣俱即時備行分巡口北道僉事程  
綬會同分守道叅議蘇志臯作速查勘前項虜  
賊委於某月某日犯邊是否北虜小王子俺荅  
諸酋大營或李家莊等處近邊駐牧賊衆官軍  
是否對敵各營斬獲功次若干果否真正陣亡  
官軍若干係何部下對陣之時有無彼此互相  
應援逐一從實查明分別功罪毋致隱匿一併  
通呈定奪及節次差人訪探去後本月十八日  
又據總兵官趙卿揭帖爲傳報達賊犯邊官軍



奮勇對敵斬獲首級奪獲達馬等事開稱本職  
統兵在於西路萬全右衛等處調度防秋間嘉  
靖二十五年七月十三日辰時據叅將董麒遊  
擊呂陽各差夜不收王月張秀等口報本月十  
一日午時龍門所邊方達賊五百餘騎入境各  
統部下遊援官兵追賊出境因晚恐賊復寇就  
將兵馬分伏通賊道路十二日寅時前賊糾合  
一千餘騎復從舊路入境各官督率官兵與賊  
對敵十四等日又節據董麒等差夜不收趙孜

李佑報稱前項官軍奮勇將賊追出境外地各  
盤道口各山溝又突出達賊二千餘騎官軍奮  
勇血戰就陣各營俱有斬獲首級奪獲達馬夷  
器數多其槍砲射打傷死達賊俱被拉拖不知  
其數查得呂陽被賊射斫傷重守備陳勳未見  
下落其餘官軍混砍一處彼此各有損傷不知  
的數等因據此除本職即時統兵赴援外會同  
巡撫宣府都御史孫錦議照前賊一向盤據龍  
門所馬營等處屢肆窺竊志在剽掠已經議發



呂陽前去與同董麒隨賊聲勢往來截剿今我軍乃能奮勇血戰除將斬獲首級奪獲達馬夷器并陣亡被傷等項官軍查明另行外先將對敵緣由理合開報又據遼東遊擊郭都呈稱十四日卑職同王浩統領人馬出境行至青沙梁下林內有呂陽被賊追趕賊見兵至當即退去隨將呂陽救回等因臣又備行該道會同併勘間本日據臣原差夜不收劉喜等各報稱董麒統領守備陳勳等呂陽統領坐營指揮谷泰等

真馬於七月十二日在於邊外與賊廝殺忽遇大雨兩家混砍呂陽奮勇當先同各官軍得功約有三十八九顆董麒同谷泰等人馬十二十三日先回呂陽破圍至十四日纔同郭都人馬還營呂陽被刀砍一處箭射三處不傷性命傳聞陳勳陣亡前賊不是小王子俺答部落係李家莊邊外朵顏別枝駐牧虜賊常時撲殺墩軍并據叅議蘇志臬稟稱奉到軍門鈞帖前去分管地方調度糧草始聞龍門之捷實未知其詳



東海集卷五十一  
大抵雖小有挫衄亦兵家之常聞賊死於戰鬪溺於谿壑者亦多然我兵必須彼此聯絡左右輔翼進而克敵退而自保且戰且却庶得萬全傳聞董叅將先回呂遊擊以孤軍而當勁虜其時天雨如注尚得生還當錄其功以作敢戰之氣厲防秋之勇等因據此案查先為預擬分布人馬以禦虜患事已該臣督行宣府撫鎮等官將遊擊呂陽所統遊兵人馬分布於西路新河口堡北路叅將董麒所統援兵人馬分布於木

路許楊二衝等處各列營防禦遇警相機截殺及差旗牌官王浩齎執令旗令牌前去郭都營監督往來策應本年七月初七日據守備龍門所指揮陳勳稟稱遊擊呂陽於本月初四日領兵到所按伏稟報在卷今該前因臣看得宣府撫鎮揭帖所開及分守等官并夜不收稟報前項事情雖略節相同然官軍之獲功與陣亡者係何部下尚無的數得失功罪未得其詳欲候查勘回報至日分別具奏不無稽遲臣謹



即所聞者先陳其槩照得北路龍門所地方乃  
叅將董麒所轄也七月初四日呂陽人馬移彼  
按伏必奉有撫鎮明文十一日賊衆犯邊十二  
日官軍追剿必當報知撫鎮董麒何故乃絕無  
一字到臣及至出邊回還經今七八日間又並  
無一人走報此豈非欲專擅於其始而圖掩於  
其終邪十二日陳勲陣亡呂陽與賊鏖戰至十  
四日方始還營則董麒谷泰等豈宜於十二日  
統兵先回其不救陽勲之難而自犯退縮之條

不問可知郭都王浩人馬十四日旣出青沙梁  
下迎救呂陽此時董麒谷泰等按兵不動又欲  
沮回郭都人馬不知何謂縱有斬獲罪亦難辭  
呂陽以失援之兵當突聚之虜身嬰重創力破  
層圍幸得生全當以功論如叅議蘇志臯之所  
稟白似亦得之故遇敵而必戰者勇也未戰而  
先勝者謀也勝負未分而退奔自全敗謀而無  
勇者也呂陽謀未可知而勇似可取董麒谷泰  
等則謀勇俱失罪狀顯然當媿死於呂陽陳勲



郭都與王浩者也如蒙乞 勅兵部移咨都察院轉行巡按御史查勘呂陽等部下所獲首級若干陣亡陣傷官軍若干有功者分別等第造冊 奏繳議擬陞賞有罪者查照律例從重叅提究問 奏 請發落用昭勸懲再照居中調度者臣之事也倉卒遇敵隨機應變者諸將之能也臣總四鎮以防秋之役移駐陽和極邊雖係適中之地然於山西及大同之西中路宣府之東北路相去頗遠彼中機事呼吸異形責在

鎮巡就近斟酌一面舉行一面行臣知會固所宜也中間亦有未事之先應該與臣計議然後舉行者臣仍申飭各官着實查照相與攄慮不厭再三以時而動庶免疎虞亦比來 廟議諄諄之微意也謹題請 旨



翁東涯集目錄卷之十三

疏九

及時脩武攘夷安夏以光 聖治疏

脩設二邊墩堡召軍填實保固地方乞處

糧賞軍器疏

預 請徵兵疏

舉所知以裨不逮疏疏具會有一言不

保留給由方面官負以幹濟邊務疏

患疾不能領兵乞賜放回調理以延殘喘



疏

及時脩邊以防虜患疏

謝恩疏

會計錢糧以禦虜患疏

條陳邊務以裨安攘疏 二首

達賊折毀邊牆寡不敵衆疏

翁東滄集卷之十三

揭陽翁萬達仁夫

疏九

及時脩武攘夷安夏以光 聖治疏

准巡撫大同地方贊理軍務都察院右副都御史詹榮咨行准鎮守大同地方總兵官右都督周尚文手本內稱本鎮自嘉靖二十一年九月任事之後會同先任巡撫都御史趙錦節次議討錢糧連年已將本鎮迤北新建靖虜堡起由



弘賜左右威平朔州接至山西丫角山墩東西  
修完邊牆添墩建堡仍將隔進虜占肥地四萬  
餘頃倚地召軍一萬二千填實邊備又自嘉靖  
二十三年會同巡撫都御史詹榮議將二邊馬  
頭山起由黑山門直至榆溝門補完邊牆添墩  
建堡亦將隔進虜占地土倚地召軍三千員名  
今看陽和口起由天城至李信屯東西沿長一  
百三十餘里若從此修邊牆一道該添一百餘  
墩改爲敵臺再添大小上堡五座隨處各留暗

門水口以便往來樵採傳報每遇防秋之時步  
軍倚牆擺守馬軍往來應援舊設陽和口由鐵  
裹門至瓦窯等口沿山舊守關牆墩臺隘口仍  
前撥軍拒守以爲堂室之重門牆兵之信息誠  
爲一勞永固相應修築今將應修邊牆溝濠臺  
堡工夫口糧犒賞防護兵馬行糧料草及門鐵  
等項共該價銀二十九萬八百六兩九錢敵樓  
官廳營房共該檁桴柱枋等木一十四萬九千  
七百二十根箇圍竿一百三十根松椽三十三



萬四百八十根板棧二百五十四萬九千一百片開具于後內原估窩杵官爲造用并置買鍋桶水斗鍬鑿其土袋一時官司置買無出就令各夫自備轆用通完前工官軍赴牆防秋民夫北樓等山採打木植共成 王事保固邊疆爲此合用手本前去乞請裁奪施行等因到職會同總兵官周尚文議得大同一鎮舊雖有三邊名色比因牆垣低薄墩臺稀疎加以防守不嚴虜賊易踏連歲深入如履無人之境是以流毒

千里震動 中原嘉靖二十一年節該邊臣建議東自陽和肅門西至山西丫角山修牆挑壕添墩設哨築堡召軍給地耕守遇秋大集馬步官軍防禦以是虜賊畏避不能越過地方免蹂躪之苦居人有安枕之樂二十三四年復於二邊添築鎮羌拒牆拒門助馬四堡又增藩籬一重允爲地方之賴惟陽和西自開山口起東至天城迤東宣府接界原未築有邊牆因中有大小鶻鴿峪鐵裏門水峪瓦窯等口俱係通賊要



衝舊惟於山口險處砌牆設隘官軍依此以阨  
零騎若遇大舉進犯虜馬壯健慣於登山走險  
撥守官軍限於一方彼此不能連絡應援虜賊  
連歲窺伺出入咸由於此雖仰賴 天威旋就  
敗逃其視中西二路設有牆壕卒歲無虞者大  
有間矣若非早爲之處恐黠虜窺伺日久奸計  
百出萬一由此突入是止惜一隅勞費竟乏保  
禦全功關係邊疆誠非細故今議自陽和口起  
由天城至李信屯止東西沿長一百三十餘里

修砌壕添臺築堡險設山南則彼此之傳報  
易知遠近趨赴甚便每遇防秋亦如西邊故事  
步軍擁牆馬軍應援各口關牆照舊撥軍防守  
則險隘屹立于前牆壕復設於後縱猶虜得越  
前險已費糜戰之力比至牆壕我兵以逸待勞  
恃險敵打隨賊嚮往連絡接應彼豈能長驅川  
下是進戰退守咸有足恃者誠宜速修而不可  
緩者也再照合用銀兩數多內糧料價值所費  
大半今擬斗頭乃冬月時估入春未免騰貴不



惟糴買爲難又恐臨時不繼三月終土脈開融  
即可興工計今相去止有兩月若銀兩發遲則  
貴糴之費又不止於前數矣煩請裁奪具奏  
施行等因到臣隨據總兵官周尚文呈同前因  
案查前事先准兵部咨該本部議擬合無行總  
督侍郎翁萬達督同各該鎮巡從長勘議將各  
分屬地方備查何處衝要即時先修何處偏僻  
以次漸舉合用工匠夫力從便雇募甄灰柴草  
就近採取燒用通算合銀米若干一面先將各

鎮堪動錢糧動支其不足之數明白開具奏

請本部與戶部區處解發應用等因具題節奉

聖旨山西宣大等處地方還行與翁萬達同各

撫鎮等官議處具奏定奪欽此欽遵備咨前來

已經屢行該鎮撫鎮守巡等官議處舉行間據

分守大同東路地方左叅將署都指揮僉事麻

隆呈爲乞請添築邊壕墩臺阻遏虜患以固邊

圉事本路自陽和城陽和口暗門起至宣府李

信屯堡紅山臺邊界止共長一百三十餘里通



東漢集卷十三  
五  
賊隘口甚多難以防守乞要比照西路添修邊  
壕墩臺等因已經備仰分守冀北道會同分巡  
道作速勘估議呈續據山西布政司分守冀北  
道右叅議李磐按察司分巡冀北道僉事江南  
呈稱會同總兵官周尚文公同該路叅將守備  
等官親詣踏勘得自陽和城西開山口起東至  
宣府西陽河界止沿長一百三十一里五分應  
於山南離山二三里許起築邊牆一道等因并  
將估計過合用夫匠工價食米木料器具數目

緣由到臣臣恐中間尚有未盡事宜移咨巡撫  
都御史詹榮會同總兵官周尚文再加勘估去  
後今准前因臣除叅酌相同外爲照禦戎之道  
莫先於守而以守爲戰則修邊其急務也年來  
廟廊屢有成議固無待臣愚重以爲言者臣於  
去歲初到地方看得該鎮陽和天城一帶未有  
邊牆籌量事勢揣測虜情累檄鎮臣加謹設備  
大略以近者賊由此而出他日必由此而入至  
八月間賊果突犯鐵裹門鶻鴿峪陽和川等處



雖我兵塵戰隨卽宵遯然不幸而臣之言中矣  
今若不鑒往轍及時設防則秋高之期虜仍窺  
伺擁衆侵軼事尤可虞各官議舉前役揆勢審  
便度材慮備旣已歸一委應亟請及時興工  
其合用錢糧當內帑積蓄寡少之時估銀至  
二十九萬有奇卽臣之意亦甚難之但惟國  
家用財諸所不急或可罷省此地爲紫荆近界  
畿輔藩籬工役之興必不可已一勞永逸古有  
格言設使財用窘促勢將苟簡畢事旋復圯蝕

不免貽漏卮之費於將來非經始圖終之極慮  
也如蒙皇上軫念邊防重計俯從各官所請  
敕下該部再加查議早發銀兩前來責成撫鎮  
守巡等官速將一應事宜預整齊備候三月土  
脈開融卽便興作務使工役早完堅久勿壞屹  
然重險可恃爲安其委官并地方軍民人等敢  
有慢期怠事者聽臣及撫鎮官拏問叅究再照  
總兵官周尚文老練邊事版築之役實所優爲  
亦其夙昔所自許者仍望天語叮嚀本官悉



心料理凡百工費可以設法撙節者多方節省  
卹軍給食之恩與體 國惜財之義期於兩得  
乃見忠勤工成之日另當甄錄均乞 聖明加  
意今將前項緣由并各官估議過夫匠工程合  
用銀米木料等項數目理合逐一開坐謹題請  
旨

修設二邊墩堡召軍填實保固地方乞處  
糧賞軍器疏

嘉靖二十四年十一月初八日准巡撫大同地

方贊理軍務都察院右副都御史詹榮咨前事  
會同鎮守大同地方總兵官右都督周尚文議  
看得大同鎮城迤北原有二邊牆一道西自大  
同左衛馬頭山起東至陽和柳溝門止沿長一  
百五十餘里地土肥饒水草茂盛舊築墩臺或  
二三里一座原有柳溝水口宣寧縣亂草營等  
四堡先年虜賊遠避牆堡完全官軍於此牧放  
馬匹後因虜賊擾攘牆堡廢圯不敢遠牧自嘉  
靖十七年修完五堡嘉靖二十二年以後又挑



東海集卷三  
三十一  
修三邊牆壕沿長四百餘里築墩建堡召軍填  
實至秋拒險防戍虜果畏懼不敢深入地方賴  
以寧靖然黠虜既不敢侵越三邊而零賊特復  
於二邊迤裏前項地方住牧窺竊爲患嘉靖二  
十三年八月中職等於防秋無事之時親詣閱  
看委的地上寬廣水草便利且各堡牆垣不至  
大壞若使用力修補又增藩籬一重鎮城可以  
安如磐石隨會行前總督准允卽用防秋官軍  
自大同左衛二邊馬頭山起東由黑山門宣

水口至榆溝補修過邊牆一百五十餘里舊有  
墩臺三十一座添築新墩八十二座補修水口  
宣寧亂草營舊堡三座隔入肥地一萬餘頃倚  
地召軍已足二千水口堡改名鎮羌實軍一千  
名宣寧縣堡改名拒牆亂草營改名拒門每堡  
實軍各五百名俱已完備關給糧賞軍器委官  
管領在彼居住蓋造營房操備防守仍議於馬  
頭山下沙溝岍上添築一堡比因邊報欠息暫  
且停止今歲六月二十一日遵照總督侍郎翁



萬達明文統兵赴邊防秋又將原挑三邊牆壕東西五百餘里幫修各加高厚三尺內挑品坑六百一十一萬八千有餘併遏虜騎九月內又遵軍門定限燒荒統兵出邊會同順帶步軍一萬有餘將前原議該築沙溝那移馬頭山下平明地上築成一堡改名助馬堡又隔肥地四五千頃倚地召軍已足一千五十名見今編立司隊又將前奉明文北樓口採打木植就蓋官廳營房一千一百間俱已完成新築四堡鎮羌堡

在弘賜堡正北相離二十餘里拒牆堡在鎮虜堡正北相離三十餘里拒門堡在破虜堡正北助馬堡在滅虜堡正北各相離三十餘里犄角之勢已成重籬之固足恃鎮羌助馬二大堡每堡召軍一十名應設守備官各一員拒牆拒門二小堡每堡召軍五百名應設操守官各一員就將隔下地上每軍給地二頃每守備官五頃每把總坐堡官四頃每管隊等官旗三頃以爲養廉幫助之資其鎮羌拒牆拒門三堡軍士月



糧布花已經查盤科道官扣筭明白 奏行戶部增入額數訖惟助馬堡近召軍士一千五十名亦須照依各堡事例每軍每月糧銀十錢一月該銀七百三十五兩一歲該銀八千八百二十兩冬衣布花又該銀一千一百四十四兩五錢二項通共該銀九千九百六十四兩五錢此又額外應增之數職查得先該查盤吏科給事中李文進監察御史趙炳然題稱兵食大事國計攸關況請給 內帑似非經久而諸邊多

事用又不支若非減冗食之兵止召募之例因時沿革破例圖爲恐於 國計終無裨益戶部議稱諸臣建議咸欲裁革中外冗食今冗食如故兵部等衙門會議召軍大同召二萬名今已新召二萬九百七十二名而召募未止況選練士卒使無老弱冒濫稽查出納使無侵盜重支固皆總督撫鎮等官責任備行前來待候議處職等豈不知加添歲額爲難緣前項邊堡因防秋之暇乘時修舉一月告成別無行糧犒賞工



料之費一歲之用纔及九千餘兩所費甚少而關係邊防甚大似不可缺要將前項糧賞增入歲額數目及將盔甲弓箭砲長牌共該一千餘副俱爲處發鎮羌助馬二堡應該添設守備官各一員早爲推舉前來任事其拒牆拒門二堡應該操守官各一員容於衛所官內揀選應用各照地方分屬該路叅將管轄等因准此又據總兵官周尚文呈同前因該臣看得前項建堡召軍一節先時總兵官周尚文未經呈臣叅酌

臣仍咨行巡撫都御史詹榮備查曾否具奏而未舉之先周尚文有無會同本院其於查盤科道近日會計年例錢糧戶兵二部議覆題奉欽依事理有無窒礙設果應將合用加增糧賞請乞著爲年例希速會查議處明當咨報去後隨准都御史詹榮咨稱助馬堡建築召軍原未具奏今歲九月內總兵官周尚文因出邊燒荒順帶步軍萬餘一月築成初時亦無與職會議後堡完軍召方纔會彙所以一面具題一



面咨請軍門裁處軍無收糧官無暫委惟候軍門具題該部議覆亦未輒敢專擅且軍夫皆防秋之衆行糧亦防秋之供竝無別項動費況鎮羌拒牆拒門毀設於東孤懸二邊之內西有馬頭山最爲衝險添築此堡與三堡相爲犄角不爲無益其填實軍士合用月糧布花雖在科道會計之後亦應加添著爲定例別無窒礙煩爲俯賜酌處等因到臣臣惟拓邊修堡必實以新軍倚地召軍必給以糧餉畀以器械臨以官員

皆其事之相因者總兵周尙文度地勢之宜役燒荒之旅不費官藏僅一月而堡成亦云勤矣而募軍至千五十人糧賞器械若非亟爲處給則已召集者將必逃散卽勿逃散能無怨心都御史詹榮會同具疏固以其事勢之必不容於已而增此層藩勿惜小費委亦無弗可者伏望皇上俯從各官勅下該部早爲議請將前募軍合用月糧布花增入歲額盈甲弓箭槍砲一併處發仍添設守備前來管理庶堡事有終



地方得益謹題請 旨

預 請徵兵疏

據鎮守山西等處地方兼提督代州三關總兵官前軍都督府都督僉事王繼祖呈據西路叅將葉滋稟稱嘉靖二十五年正月初十日有大川墩夜不收王文寇伴送虜中走回男子一名徐長孫子係甘州右衛前所軍人徐山男說稱失記被搶年月日前往鄉下地名大滿鋪忽遇大達子搶去虜營住過一十餘年去年有主兒

達子去搶黃毛今俱回來吉囊兒子領兵三枝在河西套內俺荅阿不孩領一半已過河東住牧到正月盡間俱要過來河東長孫子想家沿夜偷騎連鞍馬二疋脫走一夜到邊等情爲照前項套虜一向盤住河西今據降人傳說一半在套一半渡河且要盡數東徙雖係傳聞不可不信防範機宜豈容少緩除本鎮統領寧武關正兵前往偏頭關西黃河一帶防禦其存留官軍量勢緩急另報定奪等因前來又據守備偏



頭關地方以都指揮體統行事指揮使李徵祥呈稱正月十四日據虎兒戰墩瞭高軍人岳廷甫引領虜中走回男子一名田住子供稱係陝西清水營堡軍人王威男嘉靖二十四年八月十五日在地住種被巴歹達子搶去營內牧羊使喚在虜營時止見大舉衆達子往來每日過河行走不知別情據供看得前項虜賊先報東行一枝過河次報大舉過河再報各有煙火過河東犯之迹必是真實邊患深爲可憂應議兵

馬錢糧調集預備伏乞早爲會處以保生民等因各到臣案查先准兵部咨爲欽奉 聖諭事又爲套賊擁衆過河預 請徵兵以防大舉侵犯事又爲採輿情效膚說成安攘以濟一中興事又爲虜中走回人口供報夷情亟請添兵防禦事又爲先時修武以靖邊境事節該本部題奉 欽依徵調延綏寧固遼東建昌營等處客兵嘉靖二十一年共十枝二十二三年各共六枝二十四年共四枝應援山西宣大蓋以山西



兵弱又與宣大俱密邇 京師根本之地所當  
 厚防視他鎮為尤切也今據各官報稱套中虜  
 衆渡河而東雖出投歸者之口然虜於去秋兩  
 逼宣大俱不得意住牧明水灣近邊日久窺窬  
 二關亦未獲逞則今年悉衆東渡欲俟夏秋大  
 肆侵犯情委叵測除將本鎮人馬預行整擗加  
 謹隄備外所有應調防秋客兵若待虜勢緊急  
 臨時調取未免緩不及事伏望 皇上 勅下  
 兵部斟酌各年事例早為議 請調發延緩舊

遊兵奇兵二三枝及寧固遼東遊兵各一枝廿  
 五六枝并調山東長槍手二三千名責限前來  
 聽臣及時分布遇警策應至於河南山東腹裏  
 地方防秋兵馬始自近年即今議者皆以為無  
 益徒自勞費且涉張皇似應停罷以所節省財  
 力輸助宣大三關未為不可臣之愚見亦與此  
 同併乞 聖明裁處謹題請 旨  
 舉所知以裨不逮疏 疏具會存 旨不  
用遂非果上  
 臣惟宣大偏保重地也兵餉重務也總督重任



也。已往成規設果畫一付之碩望。又有異能。猶恐力弗克兼。必資分理。況宣大總督之設。僅數年耳。始而不常其官。繼復屢易其人。舊牒罕存。往事參繆。無可循之軌。而重以臣之短拙。顛倒者。欲獨舉而恢張之。以無負。任使安可得也。臣統四鎮。治三軍。使專持挈。綱領籌度。便宜不以瑣尾之事。併責之。臣精神心思。尚有所及。乃今一切細務。如寸楮尺楮。竹頭木屑之類。非臣位分所宜孳孳者。亦旁午煎迫。所居無藩臬守。

巡郡縣賢者。獨候人介胄。但可以備使令。而不可以預畫謀。一二吏胥。僅可以供抄謄。而不可以校書計。不得已。聖焉躬自爲之。量已知弊。監寐失圖。不肖之身。敢自利愛。顧分心於其細。必簡略于其大。毛舉而鼎棄之。非所以敦崇體要。經紀戎機。而建立功業也。嘉靖二十二年以前。宣大總督軍務侍郎都督各一員。總督軍餉侍郎一員。贊畫主事二員。買糧賞功郎中五員。後罷都督及督餉侍郎。而主事郎中亦並取回。悉



以其事付之總制是何繁簡之懸絕而廢置之  
頓殊也臣不敢妄擬必欲盡復其故但得一人  
如原任戶部郎中今閒住程寔者使之左右軍  
門聽臣委用承理錢穀甲兵及一應事分勾檢  
簿書其裨益當必不小我 祖宗裁定兵律昭  
示後人不可易矣而年來胡虜驕縱 廊廟殷  
憂中外諸臣前後建白節經擬議題奉 欽依  
通行遵照者日漸繁多積案累牘及或於前律  
稍有增益不同者卽聰明博洽之士不能記覽

欲令諸邊將吏一一通曉不相牴牾誠亦甚難  
況行者未必當當者未必行言且當矣當且行  
矣又未必能久忽然而舉或忽然而罷忽然而  
罷又忽然而舉由今觀昔由後觀今均不免於  
伐異而黨同易動而輕變是非沿革徒自紛紜  
史言宋人議論多於事功武備淪於委靡良可  
鑒也臣不自忖欲有所陳亦自需疑恐終無補  
以此臣又欲得一人如原任兵部主事後改翰  
林官今爲民唐順之者使之周流邊關圖布山



谷綜銓庶籍考證前猷而以 今代事例及諸  
臣前後 奏牘但有關於邊務者孰與臣愚較  
勘同異商確得失叅以已見根極事理剗削繁  
冗以就簡明必其可行可効可大可久者都爲  
一書恭備 御覽仍下九卿再加詳酌請自  
上裁刊布中外如刑部問刑條例然亦人人誦  
也守之不更邊事乃成其所裨益豈惟今茲程  
憲爲臣同年進士昔又同官臣見其孤高軼跡  
清苦寡儔軫蓄經猷談說時事纏纏然若倒囊

出物盈溢聽聞意幹心靈尤稱健敏臣嘗慮事  
終日僅得端倪憲一搆思便徹終始臣又嘗賑  
濟 畿甸計處漕河擘畫規程多出憲手憲之  
才識委倍於臣但憲果於必行而或疑其激臣  
喜於應務而或病於循彼此相資庶其有濟唐  
順之曾魁多士益奮藝文睹與扞英擅名海內  
順之獨又以雕蟲之技壯夫不能當世之務靡  
不注意雖身若不勝衣而慮如有神彈劔抵掌  
俯視管樂諸邊形勢胡虜情狀與凡兵政得失



廢興之故大較了焉若足履其地而身親其事者有所論議必中肯綮迥異書生奴鷹功狗百不如一蓋天下奇才也夫觀人者觀於其家而已矣寔與順之家居恬然不願于外束脩至行無少瑕疵達官顯人不能物色論者至方以古之郭泰徐穉豈爲過哉臣愚寤寐斯人委心無量屢欲論薦翻爾逡巡近者臺諫建言欲起廢棄 皇上嘉納尤拳拳以求人備邊爲急臣是以敢遂言之天下豪賢項背相望可與共事豈

獨寔與順之哉語曰知人不易人不易知若二臣者臣幸見而知者也如蒙乞 勅該部查訪如果臣言不謬早爲議 請起用臣知其必不負 君必不負友負所學也但惟程寔倘復舊官或改屬兵部令其赴臣贊畫正得往日事體而昔置其九今用其一官更不煩至於唐順之者曾爲司諫置之軍門或以爲前此未有然古者文學謀議之臣如荀彧劉穆之韓愈之徒往往辟在軍中況苟有裨於邊計則又何靳於



東漢書卷三十一  
官何拘拘於常調哉設有不然賢者志在建事  
未嘗擇官卽處以兵備又或不然起廢之初卽  
量處以教職使臣得相周旋藉彼盛略官之崇  
卑無弗宜之伏望 聖明察臣事繁責重力小  
憂深畀以二人共圖艱大倘有不効伏罪何辭  
臣無任懇切謹題請 旨

保留給由方面官員以幹濟邊務疏

據山西布政司分守口北道右叅議蘇志皋  
稱本職見年五十歲係順天府固安縣人由

靖十一年進士本年六月十五日除授湖廣長  
沙府瀏陽縣知縣十三年四月初十日調任江  
西南昌府進賢縣知縣十四年十二月十七日  
吏部爲急缺風憲官員事行取到部轉送戶部  
查無造到糧冊十五年十一月初五日陞授刑  
部江西司主事十八年五月初五日陞授本部  
浙江司署員外郎本年九月十三日陞授本部  
廣東司署郎中十九年九月初九日陞授河南  
按察司僉事提督南直隸屯種倉場兼整飭兵



兵弱又與宣大俱密邇 京師根本之地所當  
 厚防視他鎮為尤切也今據各官報稱套中虜  
 衆渡河而東雖出投歸者之口然虜於去秋兩  
 通宣大俱不得意任牧明水灣近邊日久窺窬  
 二關亦未獲逞則今年悉衆東渡欲俟夏秋大  
 肆侵犯情委叵測除將本鎮人馬預行整擻加  
 謹隄備外所有應調防秋客兵若待虜勢緊急  
 臨時調取未免緩不及事伏望 皇上 勅下  
 兵部斟酌各年事例早為議 請調發延緩舊

遊兵奇兵二三枝及寧固遼東遊兵各一枝廿  
 五六枝并調山東長槍手二三千名責限前來  
 聽旨及時分布遇警策應至於河南山東腹裏  
 地方防秋兵馬始自近年即今議者皆以為無  
 益徒自勞費且涉張皇似應停罷以所節省財  
 力輸助宣大三關未為下可臣之愚見亦與此  
 同併乞 聖明裁處謹題請 旨

舉所知以裨不逮疏 疏具會存 旨不

臣惟宣大偏保重地也兵餉重務也總督重任



也已往成規設果畫一付之碩望又有異能猶恐力弗克兼必資分理况宣大總督之設僅數年耳始而不常其官繼復屢易其人舊牒罕存往事參繆無可循之軌而重以臣之短拙顛倒者欲獨舉而恢張之以無負任使安可得也臣統四鎮治三軍使專持挈綱領籌度便宜不以瑣尾之事併責之臣精神心思尚有所及乃今一切細務如寸楮尺楮竹頭木屑之類非臣位分所宜孳孳者亦旁午煎迫所居無藩臬守

巡郡縣賢者獨候人介胄但可以備使令而不可以預畫謀一二吏胥僅可以供抄謄而不可以校書計不得已聖焉躬自爲之量已知弊監寐失圖不肖之身敢自利愛顧分心於其細必簡略于其大毛舉而鼎棄之非所以敦崇體要經紀戎機而建立功業也嘉靖二十二年以前宣大總督軍務侍郎都督各一員總督軍餉侍郎一員贊畫主事二員買糧賞功郎中五員後罷都督及督餉侍郎而主事郎中亦並取回悉



以其事付之總制是何繁簡之懸絕而廢置之頓殊也臣不敢妄擬必欲盡復其故但得一人如原任戶部郎中今閒住程寔者使之左右軍門聽臣委用承理錢穀甲兵及一應事分勾檢簿書其裨益當必不小我 祖宗裁定兵律昭示後人不可易矣而年來胡虜驕縱 廊廟殷憂中外諸臣前後建白節經擬議題奉 欽依通行遵照者日漸繁多積案累牘及或於前律稍有增益不同者卽聰明博洽之士不能記覽

欲令諸邊將吏一一通曉不相牴牾誠亦甚難況行者未必當當者未必行言且當矣當且行矣又未必能久忽然而舉或忽然而罷忽然而罷又忽然而舉由今觀昔由後觀今均不免於伐異而黨同易動而輕變是非沿革徒自紛紜史言宋人議論多於事功武備淪於委靡良可鑒也臣不自忖欲有所陳亦自需疑恐終無補以此臣又欲得一人如原任兵部主事後改翰林官今爲民唐順之者使之周流邊關圖布山



谷綜銓庶籍考證前猷而以 今代事例及諸  
臣前後 奏牘但有關於邊務者孰與臣愚較  
勘同異商確得失叅以已見根極事理剗削繁  
冗以就簡明必其可行可効可大可久者都爲  
一書恭備 御覽仍下九卿再加詳酌請自  
上裁刊布中外如刑部問刑條例然亦人人誦  
也守之不更邊事乃成其所裨益豈惟今茲程  
靈爲臣同年進士昔又同官臣見其孤高軼跡  
清苦寡儔軫蓄經猷談說時事纏纏然若倒囊

出物盈溢聽聞意幹心靈尤稱健敏臣嘗慮事  
終日僅得端倪寔一掃思便徹終始臣又嘗賑  
濟 畿甸計處漕河擘畫規程多出靈手靈之  
才識委倍於臣但靈果於必行而或疑其激臣  
喜於應務而或病於循彼此相資庶其在濟唐  
順之曾魁多士益奮藝文昭與抒英擅名海內  
順之獨又以雕蟲之技壯夫不能當世之務靡  
不注意雖身若不勝衣而慮如有神彈劔抵掌  
俯視管樂諸邊形勢胡虜情狀與凡兵政得失



東坡集卷十三  
廢興之故大較了焉若足履其地而身親其事者有所論議必中肯綮迥異書生奴鷹功狗百不如一蓋天下奇才也夫觀人者觀於其家而已矣寔與順之家居恬然不願于外束脩至行無少瑕疵達官顯人不能物色論者至方以古之郭泰徐穉豈為過哉臣愚寤寐斯人委心無量屢欲論薦翻爾逡巡近者臺諫建言欲起廢棄 皇上嘉納尤拳拳以求人備邊為急臣是以敢遂言之天下豪賢項背相望可與共事豈

獨違與順之哉語曰知人不易知若二臣者臣幸見而知者也如蒙乞 勅該部查訪如果臣言不謬早為議 請起用臣知其必不負 君必不負友負所學也但惟程寔備復舊官或改屬兵部令其赴任贊畫正得往日事體而昔置其九今用其一官更不煩至於唐順之名曾為司諫置之軍門或以為前此未有然古者文學謀議之臣如荀彧劉穆之韓愈之徒往往辟在軍中況苟有裨於邊計則又何靳於



東漢書卷之三十一  
官何拘拘於常調哉設有不然賢者志在建事  
未嘗擇官卽處以兵備又或不然起廢之初卽  
量處以教職使臣得相周旋藉彼盛略官之崇  
卑無弗宜之伏望 聖明察臣事繁責重力小  
憂深畀以二人共圖艱大倘有不効伏罪何辭  
臣無任懇切謹題請 旨

保留給由方面官員以幹濟邊務疏

據山西布政司分守口北道右叅議蘇志皋  
稱本職見年五十歲係順天府固安縣人由

清十一年進士本年六月十五日除授湖廣長  
沙府瀏陽縣知縣十三年四月初十日調任江  
西南昌府進賢縣知縣十四年十二月十七日  
吏部爲急缺風憲官員事行取到部轉送戶部  
查無造到糧冊十五年十一月初五日陞授刑  
部江西司主事十八年五月初五日陞授本部  
浙江司署員外郎本年九月十三日陞授本部  
廣東司署郎中十九年九月初九日陞授河南  
按察司僉事提督南直隸屯種倉場兼整飭兵



備理刑二十一年九月初九日工部爲勘處漕河以圖經久事加俸一級二十二年三月十七日陞授前職本年五月二十五日到任三十三年三月初十日兵部爲捷音事該加陞一級扣至嘉靖二十五年四月二十四日止連閏實歷俸三十六箇月三年任滿例應給由等因據此爲照分守口北道山西布政司叅議蘇志皋歷任三年勞蹟懋著委應給由但該道設於宣府本係邊方文職僅有守巡不同他省諸務填委

據協守宣府等處地方副總兵署都指揮僉事崔天壽呈前事內稱原任陝西榆林衛指揮同知由把總守備兩任叅將歷陞都指揮同知嘉靖二十年十二月陞任副總兵協守宣府等處地方除欽遵外竊念本職一芥庸材謬膺邊寄四載之內誤事實多見年六十一歲眼目昏花指顧不便脚腿遲鈍上馬艱難兼以昔年領兵在於固原細溝宣府上黃溝槍頭嶺等處陣臥冷地左臂寒濕時作疼痛猶勉支持苟存圖



報至去歲防秋擺邊久戍高山前疾漸加沉重  
新春以來又添手足頑麻兼以鬚鬢盡白筋力  
衰憊牙齒大半脫落屢次請醫服藥未見成效  
如此重寄豈應病人處之妨賢誤事莫此爲甚  
伏望憐念衰朽委的不能供職乞賜上 請另  
推謀勇將官前來更代以靖地方以愜人望容  
令本職回衛調理據此案查節據鎮守宣府總  
兵官趙卿呈稱先爲預防範以備虜患事本職  
親詣沿邊相勘應修邊牆一應工程遠出備

一隅倘遇有警不能親臨調度具呈軍門行文  
副總兵崔天爵量帶兵馬按伏適中城堡天爵  
抗違主將高坐鎮城宴樂自逸將來利害相臨  
豈肯同心共濟等因案候聞令據前因 訪得  
副總兵崔天爵並無患病及查嘉靖二十三年  
十月內大舉達賊山宣府西路入犯紫荆等處  
崔天爵始既不能拒遏繼復觀望遲遲該科道  
等官何雲鴈等勘問明白具招叅稱本官寇入  
門庭黃梅寺豈應高枕禍延 畿輔白匡村猶



緩進兵耳懼上黃溝之潰亡乃依營而自保目擊周家莊之困厄尚固壘以圖存等因該兵部議擬節奉 欽依本官降二級行令戴罪殺賊立功二十四年內該巡按御史谷嶠題稱本官防秋効勞又該兵部議擬題奉 欽依准其贖罪仍免降級文到于今未二月也本官遽稱有疾不能領兵情甚可駭臣按宣府副總兵崔天爵前後罪狀伏讀 大明律內一款領兵官不依期進兵策應者斬本官前年遇賊入境領兵

逗遛誠如勘官之所參論雖擬斬可也卽從末減厥罪猶浮於總督均於總兵總督既繫獄死矣總兵亦以微罪去矣本官獨違前律僅降二級仍許自贖防秋効力雖與衆同其在他人勞蹟相若如呂陽等該題奉 欽依僅各賞銀十兩已過分涯本官以巡按之疏得復原銜尤出望外是罪重而法輕功微而 恩重本官雖鏤鑄心肝決裂頂踵猶不足以仰報所 天乃今方獲復官遂爾託病縱敢於推姦避事適已



自便獨不思前此科罪尚不足以相當而今此  
蒙 恩實迥異乎常格病而可詐於心寧忍欺  
邪主將偏裨有協同之責相承之義屬有兵務  
遣之不行是以偏裨而抗主將甚非所以令三  
軍也恣其所為必壞邊事及又訪得本官科剋  
有素囊案已盈遲暮之年計脫此地自謂與主  
將相忤傳布當事將必以 聞借此而歸無甚  
利害故敢抗趙卿欲左其事而以其能執之為  
已幸也臣近廉得其意未嘗不痛恨若人狡詐

無賴不念 國恩一至於此防秋在邇矧安望

其能治軍和衆相與籌邊以圖濟艱大邪臣見

頃來邊將罪多倖免漸不畏法如崔天爵者先

該論死今復作姦相應並科再難姑息懲一戒

百是臣所懇懇於 聖明者如蒙伏乞 勅下

該部速將崔天爵革罷推選相應官員更替任

事仍乞將本官拏解赴京從重究治俾各將領

知有不測之威自當靖恭供職不敢輕犯邊計

攸繫豈其微哉謹題請 旨



及時修邊以防虜患疏

臣行據山西布按二司守巡口北道叅議蘇志  
臯僉事程綬會呈開稱原議宣府西路該修西  
陽河土牆二十五里零三百五十步折四千六  
百七十五丈墩臺四座洗馬林土牆八里零六  
步折一千四百四十三丈斬削山崖二十二里  
零一十九步折三千九百六十九丈五尺墩臺  
一座張家口土石牆三十一里零八十四步折  
五千六百二十二丈墩臺二座共該邊牆一萬

五千七百九丈五尺墩臺七座原估合用人夫  
糧料草束木料軍火架梁防護兵馬提調委官廩  
糧料草及買辦銅桶鐵鑊等項通共該銀一十  
一萬八千二百五兩四錢俱經通呈轉咨兵部  
外今查已修完邊牆九千八百五十八丈用過  
原扣給大同修邊銀四萬二千六十一兩六分  
五釐戶兵二部運發銀四萬兩又借支主客兵  
糧料草束折銀四千三百三十八兩七錢六分  
零未完邊牆五千八百五十一丈五尺墩臺七



座因欠原估銀三萬六千一百四十四兩三錢三分五釐未蒙給發見蒙巡撫衙門明文仍於主客兵銀糧料草內借支應用勒限修築完報職等再將前項工程逐一詳估委與原估相同必將未發銀兩題請運發接濟及補還借過之數庶得工完等因到臣案查先准巡撫宣府都御史孫錦咨前事內開該修邊牆墩臺約用銀二十餘萬移咨前來該臣看得估議欠詳駁行再議續准都御史孫錦咨據分守叅議陳志

臯呈稱會同分巡僉事程綬親詣查勘得宣府西路西陽河洗馬林張家口應該修築前項緊要邊牆墩臺估計合用人夫糧賞并採木軍夫架梁防護兵馬提調委官廩糧料草及買辦鍋桶鐵鑊等項各備開撒數總計通共該銀一十一萬八千二百五兩四錢內除大同扣給修邊銀四萬二千六十一兩六分五釐外尚該銀七萬六千一百四十四兩三錢三分五釐相應請給備咨到臣叅看詳當轉咨兵部隨該本部議



題節奉 聖旨宣府興築銀兩除已撥給大同餘銀四萬兩外准太倉馬價銀內共發四萬兩去接濟其或不敷應否增給仍著翁萬達悉心再議奏來欽此欽遵隨准戶兵二部咨開動支太倉馬價銀各二萬兩差官運送宣府都御史孫錦處交割督同守巡等官查照兵部原議支用准此俱經通行該鎮撫鎮官查照并將前項工程合用錢糧行令守巡道重復估計開列銀兩有無足勾如果不敷作速議報及該鎮撫官

工所督理外今據前因為照宣府西陽河洗馬林張家口等處緊要應該修築邊牆墩臺節奉欽依已於三月初九等日與工合用糧賞及買辦器械等項銀兩數目該鎮先次估計委屬欠詳該 臣 一面具 題一面駁議續據費估俱已詳明又該 臣 備咨兵部查照施行去後今據各官所呈及 督臨工所親自查理工價與前所覆估者無異其未完牆垣墩臺不敷錢糧即以已完牆垣墩臺用過錢糧數目計算尤可為準



所欠銀兩必須照數給發又須十分撙節方可  
 勾用但人夫輓集期限有嚴勢難暫輟不敷之  
 數若待請發到日支給不無緩不及事不得  
 已權將主客兵馬糧料草束隨宜空運借支應  
 急防秋在邇亟當補還如蒙乞勅該部查議  
 將前題請未發銀三萬六千一百四十四兩  
 有零速為給發前來接濟工程及補還借支數  
 目庶大工早完而邊儲亦不至缺乏矣謹此  
 奏

謝恩疏

竊維兵部咨該臣題為查議防秋効勞有功  
 人員事本部議擬覆題奉聖旨是昨歲宣大  
 山西虜不敢犯邊境無事翁萬達雖經受賞勞  
 勩居多還賞銀三十兩紵絲三表裏欽此欽遵  
 備咨到臣嘉靖二十五年五月初一日該鴻臚  
 寺署丞蔣琅齎捧欽賞銀三十兩紵絲三表  
 裏賜臣者臣即叩頭祇領望闕謝恩外  
 伏念臣才非鎖鑰智乏甲兵偶緣昨秋曾驅點



東漢集卷十三  
三  
虜猥蒙 皇上俯錄微勞既 賜之以鎌鐐復  
褒之以 綸綍每私忖量已踰分涯既而兵部  
甄別諸邊保障之功兼叙微臣調度之力意有  
激勸言過揄揚重辱 渥私再霑 蕃錫不當  
益而益愈自媿心無所為而為但知報 主捧  
金作礪期不負於 陶鎔束帛思溫敢少忘乎  
覆被兵當精練利用安邊志在服勞勉圖盡職  
臣不勝仰戴感激之至謹具奏 聞

會計錢糧以禦虜患疏

准巡撫大同都御史詹榮咨據山西布按二司  
守巡冀北道右叅議李磐僉事江南會呈抄蒙  
總督宣大偏保等處地方軍務兼理糧餉兵部  
右侍郎兼都察院右僉都御史翁萬達都御史  
詹榮案驗俱為前事會同管糧郎中張旦查得  
嘉靖二十四年防秋四次共發京運正銀六十  
萬兩附餘銀一千八百九十一兩二錢通共正  
附銀六十萬一千八百九十一兩二錢照依時  
估不等召買過糧九萬三千三百八十二石四



東漢書卷之三十一  
三十一  
斗四升料一十二萬四千二百七十一石六斗  
草一百三十七萬五千九百九十一束間日折  
支糧料草束等項銀一十八萬八千五百九十  
四兩二錢八分七釐嘉靖二十四年六月二十  
一日以前召買并上年支剩糧共二十一萬七  
千九百二石二升料三十三萬三千一百七十  
九石八斗三升草三百三十五萬七百三十三  
束三分嘉靖二十四年六月二十一日以後防  
秋官軍支過糧一十四萬八千七十六石七斗

七月五合料一十八萬七千六百八十六石六  
合草一百三十三萬九百四十一束二分間日  
折色并續召買糧料等項共該銀二十九萬三  
千一十五兩七錢九分除支本年折色銀一十  
八萬八千五百九十四兩二錢八分七釐尚借  
支嘉靖二十五年防秋銀一十萬四千四百二  
十一兩五錢三釐嘉靖二十四年十一月內并  
二十五年正月內二次共發二十五年防秋京  
運正銀四十三萬兩附餘銀四百八十四兩四



東漢書卷十三  
錢除補給二十四年防秋空日糧草折色共商  
價支銀一十萬四千四百二十一兩五錢三釐  
實召買糧料草束銀三十二萬四千五百兩五  
分已買完米豆草銀一十七萬四千三百二十  
八兩一錢七分米六萬四千四十八石八斗二  
合共銀一十萬六千二百六十四兩四錢二分  
七釐六毫六絲料三萬一千七百九十九石五  
斗二升二合共銀三萬七千四百九十三兩七  
錢五分三釐五毫草六十四萬束共銀三萬五

百七十兩七釐兄買米豆草束未完銀一十五  
萬一百七十一兩八錢八分仍有在銀一千  
五百六十二兩八錢四分七釐係該發各城未  
領之數及查嘉靖二十四年六月二十一日  
起至本年十月二十三日止防秋擺邊本鎮官軍  
六萬四千九百五十九員名徵調延綏寧夏遊  
兵三枝共九千員名通共七萬三千九百五十  
九員名本鎮正馱馬二萬七千二百六十八匹  
延寧正馱馬九千餘匹共三萬六千二百六十



東漢書卷十三  
三十一  
八匹計四箇月零二日每名日支米一升五合  
每馬日支料三升草一束共算該糧料草銀五  
十三萬九千五百五兩九錢六分六釐糧一十  
三萬五千三百四十四石九斗七升每六斗約  
該銀一兩共銀二十二萬五千五百七十四兩  
九錢五分料一十三萬二千七百四十石五斗  
八升每石約該銀一兩二錢共銀一十五萬  
九千一百八十八兩六錢草三百四十三萬六  
千四百九十六束每束約該銀四分五釐共銀

一十五萬四千六百四十二兩三錢二分嘉靖  
二十四年分支剩見在糧一十二萬五千九百  
七十四石五升料一十七萬八千九百九十三  
石二十五升草三百七萬九千七百三十三束  
四分今嘉靖二十五年防秋官軍馬匹遵照兵  
部題奉 欽依事例通將食糧官軍赴邊其徵  
調軍馬今歲軍門 奏討又有出於延寧三枝  
之外者共約有八萬四千有餘之數見在并員  
補又該年例討買馬三千匹并延寧等共四萬



二千二百餘匹照前日期計算糧料草束約該用銀六十二萬八千七百二十九兩餘糧一十五萬三千七百二十餘石約該用銀二十五萬六千二百餘兩糧一十五萬四千四百四十餘石約該用銀一十八萬五千三百二十八兩餘草四百一十六萬二百餘束約該用餘一十八萬七千二百九兩餘今二次止解到銀四十三萬兩尚少銀一十九萬八千七百三十餘兩雖有支剩前項糧料草束間有召買腹裏州縣倉

場之數離邊窩遠止是調遣兵馬住劄支用其近邊城堡倉場錢糧委的不敷相應具奏處發不致臨期缺誤等因到職看得各道呈稱嘉靖二十四年在邊防秋本鎮并微調延綏寧夏遊兵三枝官軍通共七萬三千九百五十九員名正馱馬三萬六千二百六十八匹該年戶部議發京運正附銀六十萬一千八百九十餘兩召買糧料草束并間支折銀及將上年支剩本色相兼放支仍有不敷職等臨時設處勸諭商



人上納本色該給價銀積欠軍士空日折色數多無以為處又將二十五年解到防秋銀內補給一十萬四千四百二十一兩零今歲防秋本鎮官軍弁軍門具 奏添調客兵共約八萬四千有餘馬四萬二千二百餘匹比之上年數已增多照前日期計算約該用銀六十二萬八千七百二十餘兩今二次止解銀四十三萬兩尚少一十九萬八千七百三十餘兩雖有支剩糧料草束間有召買腹裏州縣倉場離邊寫遠

以輓運且調遣兵馬不時住劄亦當廣為預備其沿邊新建各堡兵馬擺邊防秋相持日久本折錢糧按月支給尤為緊要況春夏之間各路節報虜賊糾引部落連營壓境住牧揆厥事勢其侵犯之舉旦夕難測前項錢糧下係軍機誠非細故合行乞 請議處接濟等因到 案查前事節該 通行各鎮巡撫弁管糧郎中守巡等官備查上年 奏發京運銀若干召買過糧料草束各若干上年支放過若干餘剩見在若



于嘉靖二十五年戶部二次發到銀兩照依時估召買糧料草束各若干與上年餘剩見在之數通融計算有無勾用如或不敷應該添發銀若干作速議處停當回報去後續准巡撫宣府都御史孫錦咨稱查得宣府嘉靖二十五年合用客兵糧餉除上年支剩并戶部二次發銀召買見在糧料草束比照上年用過數目尚少銀一十萬七千八百餘兩緣由前來已經具題

請給訖今准前因看得宣大二鎮嘉靖二十五

年合用客兵糧餉如前各官會計委的短少近又該臣巡歷諸邊親見各該城堡倉場糧料草束缺乏太多地方物價騰貴官發白金易米計不能六十石召商且弗至也兼以去冬無雪今春無雨時已仲夏尚苦恒暘二麥枯槁人心驚惶虜日伺邊師將大集值茲艱窘實懷隱憂前項客兵錢糧亟宜一處但宣府議欠銀一十萬餘大同議欠銀一十九萬餘俱仰給於太倉臣聞太倉積蓄寡少項因諸邊 奏討題覆得



旨之後往往庫無見銀立挨東南各處解到旋  
收旋發不敷甚矣兩鎮一時連疏奏請設若  
弗與則邊方之事必不可支欲即併給則太倉  
之銀或未能繼況今兩鎮糴買甚艱臣愚欲照  
先年定運事例於京通二倉本色糧內酌量運  
發宣府及仍給折色之半以爲客兵支用其大  
同地方去京較遠轉輸脚力所費不貲當以全  
給輕齎爲便如蒙乞勅戶部從長議處作速  
差官運解前來接濟庶邊儲不缺而人心亦可

以少安矣謹題請旨

條陳邊務以裨安攘疏 二首

准都察院咨准吏部咨該吏科等衙門給事中  
等官李文進等題前事本部議擬合候

命下移咨都察院轉行各邊總督撫按等官會  
同速將各該守巡以至守令管糧通判等官嚴

加綜覈指實叅奏前來除貪汙官員本部請  
旨罷黜外其可留任用者查其資望相應量陞  
本處以責後効其策勵不前或才非所宜者應



調應降通行查處施行員缺另行選補勒限赴任若果或矢心畢力建立邊功或安養休息蘇息民困節財裕用振勵清白仍聽總督撫按等官具奏薦揚不次超遷等因覆題奉

欽依備咨到院轉咨到臣會同巡撫大同都御史詹榮宣府都御史孫錦巡按直隸監察御史黃如桂議照宣大邊方恒情所鄙然實畿輔之屏蔽故吏於茲土者小大不同均有安攘之責不可輕也為地擇官不為官擇地經邊謀

固不當爾邪茲者郡守守巡猶得例之腹更選用甲科稍自表見至於州縣正官循通判則多係監生與才力不及之人沿牒循賢者十一不肖者十九况所稱賢者亦不過中材而滔滔不肖者又未可盡去州縣凋殘軍興繁重有司備數罕可與圖通判出納邊儲歲各不下二三十萬即使才賢在職尚恐相觀衆願衆沒自敗乃使庸庸瑣瑣之輩然於會集利溷之中其能不滑心喪志者蓋寡鮮矣今幸奉



諫建言銓部注意 聖明在上亟爲一更責之  
久任則所以幹濟邊事民事必將有可觀者除  
山西保定二鎮大小文職另行甄別及分守口  
北道山西布政司右叅議蘇志皐已經保留應  
州知州余棠馬邑縣知縣王一鳴俱新任不開  
外查訪得分守冀北道右叅議李磐茂質通才  
惠心平政雅能率履識時而未嘗利方動克有  
恒尚體而終當成務山西按察司分巡冀北道  
僉事江南守不踰閑威克厥愛外若樸而義氣

掀揚中有存而時務諳練素稱善射況又能文  
此皆有裨邊計相應又任責成者也分巡江北  
道僉事程綬能毅然以有執不苟焉而爲同黽  
勉操持殷勤幹濟動循軌物茂著年勞此其又  
於邊方相應量資陞用者也大同府知府陳燿  
資性旬茂識慮精詳不激不隨有爲有守罷省  
一切冗費經畫諸所便益關濟艱危與民休息  
即其治郡旣擅譽於雲中屬以備邊當運籌於  
掌上同知韓梅誠恪之資公平之政固已驗之



委用未聞其有愆違通判种奎事不避難守亦克慎督邊工而賢勞居最署州篆而商稅日增推官王文道宅心平恕法律亦諳聽斷詳明吏民無議渾源州知州劉岳温醇練達而治行素優朔州知州張一誠勤敏剛方而廢政漸舉大同縣知縣宋大才事日就理民頗相安宣府東路管糧保定府通判馬昂行不媿心才堪集事頗知持重不事趨承南路管糧大名府通判于慧夙有壯懷久淹仕路志未衰於進取才益鍊

於磨礱西路管糧大名府通判魏河志抱憂勤才樸警敏永寧縣知縣雲棟資厚而行醇政平而人服以上才俱克稱相應存留內知府陳燿遇有本處兵備員缺通判种奎馬昂遇有本處知州員缺各宜陞補者也大同府管糧通判龍鳳心本無欺行亦能謹東路管糧通判强綬典幹尚可特立未聞西路管糧通判吳鯉敏於行而知政北路管糧通判周鳳鳴練於事而稱能廣靈縣知縣藤榮則不苟取事不務名宣府在



城管糧真定府通判郭璉委用効勤出納知慎  
北路管糧保定府通判趙佐應對便捷幹理周  
詳中路管糧河間府通判王生賢才亦有為處  
非其地北路管糧真定府通判鄒馳賦性惟和  
守法不變保安州知州劉知之誠恪處心忠厚  
處事以上才止循常相應姑留內王生賢鄒馳  
水土不服各宜改調者也大同府懷仁縣知縣  
申翰邑本州散政尚優柔所謂才力不及相應  
別用者也宣府西路管糧河間府通判宋朝法

不禁姦政惟通賄大同府靈丘縣知縣周室昏  
庸之才貪婪之行贖金是務詞狀任原告之回  
銷酣臥為高文移聽吏書之舞弄是皆過惡顯  
著相應罷黜者也如蒙乞 勅該部再加查訪  
將李磐等久任程綬量資陞用陳耀馬昂等遇  
缺陞補韓梅等存留王生賢等改調申翰別用  
宋朝等罷黜庶用舍得宜而勸懲斯在其龍鳳  
郭璉等暫留供職亟將才力有餘官員及或於  
進士中選補前來更代以濟時艱所暫留者量



東海集卷之三  
四  
移腹裏以盡器使籌邊惜才之意乃兩得之謹  
題請 旨

其二

准兵部咨該吏科等衙門給事中等官李文進  
等題內一欵集群才以弘大業要將武臣自叅  
遊以下至於守備行各鎮總督撫按等官通為  
精選該本部議擬合候 命下通行各鎮總督  
會同各該撫按官再加精選某可久任某可更  
調某才武不堪可降處之某貪婪有跡可罷黜

之仍將該鎮謀勇出衆努力過人守為俱優地  
方相宜者疏名指實會薦前來以憑更代任用  
行間又節准兵部咨為議處防秋事內開撫鎮  
諸臣通將罷閒將領副叅而下量其才能分置  
軍中料敵制勝仍其實疏名 奏保酌量才武  
推用等因俱題奉 欽依備咨到 會同巡撫  
大同都御史詹榮宣府都御史孫錦巡按直隸  
監察御史黃如桂議得禦虜資於將才掄才限  
乎世冒雖不求備猶難其人若復摘疵何以充



東漢書卷之三十三  
任頃者邊鄙多事耳目寔繁武弁者流止有此  
數方舉而復劾旣劾而復舉病於屢易難以責  
成久任之言空存美意今於見任者惟去其太  
甚廢閑者兼錄其所長非得已也除山西保定  
二鎮大小將官另行甄別及宣大鎮守總兵官  
兵部徑自考劾與新任宣府西路叅將王臣萬  
全都司軍政管屯署都指揮僉事趙承懋軍政  
管局巡捕都指揮僉事周鏜守備順聖川東城  
柱元勲鵬鶚堡白金山山西行都司軍政僉書署

委用方殷藝精而謀猷允稱軍政巡捕都指揮  
僉事張勲心地篤實年力精強贊務而施爲可  
觀捕盜而勤能亦著宣府分守中路左叅將孫  
勇忠勤自許清慎有聞挽汚而巧力俱全戍邊  
與士卒同苦遊擊將軍歐陽安謹飭存心謙和  
處衆心懷敵愾曾傳塞上之功兵有機權必協  
師中之吉昌陽心存忠確氣甚驍雄屢入賊巢  
常居邊徼揮刀而連斬三虜馳馬而數犯重圍  
守備保安新城袁正持身清謹用意精專制器



竭心思之巧折衝兼騎射之長懷安城張忠膽  
氣自負驍勇過人隆慶城陳欽有精敏之才負  
剛勁之氣赤城堡戴綸年力精壯技藝優長臨  
敵而不避險艱解圍而屢親矢石長安嶺劉楫  
才識可勝夫繁任清勤無忝於將門順聖川西  
城上相貌偉而操持克慎才充而劑量允宜懷  
來城曹灃素有英氣亦多藝能張家口堡王臣  
治軍而痛革私役備虜而慎固重垣廣昌城孫  
時謙心憂勸而武備克舉識宏遠而文事亦通

新河口堡曹世忠志氣不群謀猷允稱萬全左  
衛城元成馭卒不擾臨事有爲保安舊城辛昇  
貌揚而守潔志銳而才通以上俱應久任責成  
內歐陽安堪備叅將麻宗成銘曹鎮袁正戴綸  
俱堪備叅遊之選趙綸堪改天城張忠堪改萬  
全右衛城陳鎮堪改龍門城各衝劇地方守備  
之任者也大同分守中路右叅將張潤體貌魁  
梧弓馬習練東路左叅將麻隆操持難以責備  
諳練亦能服人守備朔州城韓綱紀律頗知威



東海集卷十三  
遠城張宗武事不廢左衛城沙潮年力精健靈  
兵城李寶資性明通鎮川堡陶珍素以老成著  
名渾源城張德頗以捷健馳譽寧虜堡龔業安  
靜不擾馬邑城王鏞勤敏集事殺胡堡張紀武  
事亦能漸修威胡堡劉椿操持未嘗苟且天城  
城火力赤木係夷族未諳華言難使臨軍第堪  
殺賊宜府分守南路右叅將劉振貌修偉而可  
當一路心斂戰而足蓋前愆東路右叅將左灝  
性似通朗事亦有爲騎射素諳志向不苟北路

左叅將董麒才雖敏而獨惜乎氣盈行頗浮而  
每見其招謗守備柴溝堡董添祥才識明通弓  
馬閑熟葛峪堡潘銘形弱而氣充性緩而事舉  
蔚州城周世官儀表可觀才猷僅可馬營堡張  
濟貌雖未揚志亦頗銳萬全右衛城李世賢雅  
度繁軍士之望文藻擅酬酢之能龍門城王三  
槐號勇未著心力頗勤以上俱應姑留策勵內  
張潤麻隆陶珍沙潮各因有犯董麒近屢失事  
暫令供職防秋候行查處李世賢堪謂懷安王



三槐堪調隆慶腹裏地方各守備之任火力赤則宜改送軍門聽用者也大同中軍坐營大同後衛指揮使周廣篤實不欺廉勇可用天城衛帶俸都指揮僉事閔春年力精壯事務疏通大同後衛指揮同知呂大章發跡戎行臨鎮頗知機變歷官營伍處事亦著公勤平虜衛指揮同知李梅敦厚存心勤敏集事舉動不失其常緩急可以爲恃大同前衛指揮使梅鶴寬和外著一而氣實驍騰敦大中存而事亦練達指揮同知

王振才猷可取武藝亦通指揮使王紳年少而心存向上才通而志切有爲右衛指揮僉事史勳年力富強技能便捷雲川衛指揮使柴縉官無物議事有心機玉林衛指揮使儲臣性本明敏事亦精詳宣府開平衛指揮同知劉鐘素有膽畧亦善騎馬提孤軍而力抗強虜勵壯志而頗繫群心隆慶左衛指揮僉事胡選齡事能幹濟而舉動有章才足振揚而委用克稱蔚州衛指揮僉事易剛發跡武科贊畫邊務精銳可以



應敵機變亦能服人宣府左衛指揮僉事蘇啓  
心謹愓而勤於任事才敏慧而慎以守身昔效  
勞於守邊今益勵於營務以上俱應待有守備  
員缺量資陞補者也宣府永寧城守備鄭重體  
貌猥瑣志向卑汙玩愒無爲備禦無策此實才  
武不堪所宜降除者也大同迎恩堡守備鄭勳  
不卹貧軍肆行科歛滅虜堡守備張偉敢於犯  
法濫受贓私宣府龍門所守備陳勲心敢爲惡  
才是濟貧任管家朱甫爲心腹而就扣軍餉聽

長哨王聰之通路而隱匿邊情新開口堡守備  
蔡綱勇略未聞貪淫有跡扣軍士之月糧買貧  
女爲侍婢此皆貪婪有跡所宜亟爲罷革仍行  
勘問者也又查訪得廢閑大小將官大同如原  
任大同遊擊今養病痊可署都指揮僉事梁璽  
發身行伍歷任邊方軍務練而精力未衰地里  
周而戰守足賴原任延綏遊擊今閑住都指揮  
僉事徐淮老成之器歷練之才不因廢而志遽  
墮每撫時而心思奮原任宣府遊擊今閑住署



都指揮僉事白欽素有雄心屢經戰陣兵機素  
頗諳曉地利亦能周知原任山西遊擊今聞住  
指揮僉事朱漢少年任俠壯氣迫人苟悔悟於  
一蹶之餘未遽足爲終身之棄宣府如原任本  
鎮總兵官白爵英毅獨任謀勇兼資方今將才  
當爲第一但稽之平日或歉謙誠用之將來尚  
煩駕馭雖近令出塞頗曾收一戰之功而行屬  
防秋湏仍當百死之陣原任宣府中路叅將今  
緣事李懋性資謹飭器識深沉敦儒素而有心

不苟知武畧而更事亦多原任萬全都司僉書  
署都指揮僉事今華任韓彬純朴之性驍勁之  
資臨戰陣而膽氣甚雄馭士卒而恩威不廢此  
皆難以終棄所宜量爲錄用內白爵先犯死罪  
遽難輕原另當查議李懋原因部下殺降失於  
妄報合候勘明其餘梁璽等則似無別礙者也  
如蒙伏乞 勅下該部再加查議將林椿等久  
任歐陽安麻宗袁正周廣劉堂等遇缺陞補張  
忠李世賢等互相更調火力亦量改相應職銜



東坡集卷十三  
行令專在軍門聽候領兵殺賊就將趙綸調任  
原缺另推鄭璽降處鄭勳等罷革仍行提問梁  
璽韓彬等錄用白爵候另議處李懋行催原問  
衙門早為勘報是亦用人使過不得已之意也  
謹題請 旨

達賊拆毀邊牆寡不敵衆疏

據山西按察司分巡冀北道僉事江南呈問得  
犯人樊文全招云云叅照靖虜堡把總陽和衛  
指揮使張錦臨敵而先有懼心領兵而全無關

心不救長官之難自惟退縮之誅分守大同東  
路左叅將署都指揮僉事麻隆紀律不嚴於平  
時事變致生於倉卒罪雖有間責亦難辭再照  
陣亡操守千戶汪洪職專禦寇勇足冠軍奪牛  
馬而馳騎當鋒射胡奴而應弦斃地援兵不至  
獨力難當雖未成斬馘之功誠亦得死中之義  
如蒙乞 勅該部議咨都察院轉行巡按御史  
將張錦麻隆通行提問汪洪再加覈實應否錄  
贈及勘令本官的親兒男照例陞襲徑自奏



東涯集卷十三  
三  
請施行樊文全等明正典刑以昭 國法緣張  
錦係軍職麻隆係將官樊文全等俱重刑謹題  
請 旨

翁東涯集卷之十三